



# MATAGALUEGA O FAALAPOTOPOTOGA A LE MALO

---

**LIPOTI FAA LE TAUSAGA 2024**



## OFISA O LE MINISITÄ O FA'ALAPOTOPOTOGA A LE MALO

Matagaluega o Fa'alapotopotoga a le Malo | Fa'alapotopotoga o Tau'i mo Fa'alavelave Fa'afuase'i | Pulega e Fa'afoeina Kasino ma Ta'alogā Faitupe Ese'ese | Fa'alapotopotoga o Mea Tau Fale a Samoa | Pulega o Fale ma Malae Ta'alo a Samoa | Kamupani Va'alele a Samoa

**Postal:** Private Bag, Apia ~ **Tel:** (685)25858 | (685)25210

~ Email: [leatinuu.wayne@ministermpe.gov.ws](mailto:leatinuu.wayne@ministermpe.gov.ws)

Afioga Papalii Taelu Masipau  
Fofoga Fetalai  
Fono Aoao Fai Tulafono



E ia te a'u le ava tele e tuuina atu ai i le Fono Aoao Fai Tulafono, le Lipoti faa le Tausaga a le Matagaluega o Fa'alapotopotoga a le Malo mo le tausaga faaletupe na faai'uina i le Aso 30 Iuni 2024.

LEATINUU Wayne So'ialo

**MINISITA O FA'ALAPOTOPOTOGA A LE MALO**

## ANOTUSI

|                                                                                                           |                |
|-----------------------------------------------------------------------------------------------------------|----------------|
| <b>FAAPUUPUUGA O UPU .....</b>                                                                            | <b>4</b>       |
| <b>UPU TOMUA A LE AFIGA A LE MINISITA.....</b>                                                            | <b>5</b>       |
| <b>AOTELEGA .....</b>                                                                                     | <b>6</b>       |
| <b>FA’ATULAGAINA O LE MATAGALUEGA .....</b>                                                               | <b>9</b>       |
| <b>PULEGA LELEI O FA’ALAPOTOPOTOGA .....</b>                                                              | <b>10 - 13</b> |
| A.     AOTELEGA                                                                                           |                |
| E.     TAUNUUGA O GALUEGA                                                                                 |                |
| I.     FUAFUAGA MA ATINAE                                                                                 |                |
| O.     LUITAU MA VAAIGA TAULAI                                                                            |                |
| <b>MATAITUINA O FA’ALAPOTOPOTOGA TAU FEFAATAUAIGA .....</b>                                               | <b>14 - 19</b> |
| A.     AOTELEGA                                                                                           |                |
| E.     TAUNUUGA O GALUEGA                                                                                 |                |
| I.     FUAFUAGA MA ATINAE                                                                                 |                |
| O.     LUITAU MA VAAIGA TAULAI                                                                            |                |
| <b>MATAITUINA O FAALAPOTOPOTOGA GALULUE SOOSOO TAUAU &amp;<br/>FAALAPOTOPOTOGA TAUTUA A LE MALO .....</b> | <b>20 - 27</b> |
| A.     AOTELEGA                                                                                           |                |
| E.     TAUNUUGA O GALUEGA                                                                                 |                |
| I.     FUAFUAGA MA ATINAE                                                                                 |                |
| O.     LUITAU MA VAAIGA TAULAI                                                                            |                |
| <b>FAIGA PA’AGA MA LE FA’AMATU’U O FA’ALAPOTOPOTOGA A LE MALO I VAEGA<br/>TUMAOTI.....</b>                | <b>28 - 30</b> |
| A.     AOTELEGA                                                                                           |                |
| E.     TAUNUUGA O GALUEGA                                                                                 |                |
| I.     FUAFUAGA MA ATINAE                                                                                 |                |
| O.     LUITAU MA VAAIGA TAULAI                                                                            |                |
| <b>AUAUNAGA LAUTELE MA TAGATA FAIGALUEGA.....</b>                                                         | <b>31 - 34</b> |
| <b>FAAMATALAGA O TUPE MAUA MA TUPE FA’AALU .....</b>                                                      | <b>35</b>      |
| <b>AOTELEGA O FAAMATALAGA O TUPE A FA’ALAPOTOPOTOGA.....</b>                                              | <b>36-37</b>   |
| <b>FAAMAONIGA A LE MATAGALUEGA O TUPE .....</b>                                                           | <b>38</b>      |
| <b>FAASINOUPU.....</b>                                                                                    | <b>39</b>      |

## FA'APU'UPU'UGA O UPU

|                    |                                                                                                   |
|--------------------|---------------------------------------------------------------------------------------------------|
| <b>AR</b>          | Lipoti Fa'aletausaga                                                                              |
| <b>CARS</b>        | Fa'atumauna Pulega ma Faamatalaga                                                                 |
| <b>CEO</b>         | Ofisa Sili o Pulega                                                                               |
| <b>CEMD</b>        | Vaega mo le Mata'ituina o Fa'alapotopotoga tau fefa'atauā'iga                                     |
| <b>CP</b>          | Fuafuaga 'Autasi                                                                                  |
| <b>CSD</b>         | Vaega mo Auaunaga Lautele                                                                         |
| <b>CSO</b>         | Noatiaga i Galuega i Nu'u ma Alalafaga                                                            |
| <b>DPIC</b>        | Tautinoga a Komiti Fa'atonu                                                                       |
| <b>HR</b>          | Ala oa o Tagata                                                                                   |
| <b>ICT</b>         | Fa'amatalaga ma Feso'otaiga Tekonolosi                                                            |
| <b>ISC</b>         | Komiti Tuto'atasi e Filifiliina Komiti Fa'atonu                                                   |
| <b>MBMD</b>        | Vaega Mata'ituina o Fa'alapotopotoga Galulue So'oso'o Tau'au ma Fa'alapotopotoga Tautua a le Malo |
| <b>MD</b>          | Pule Fa'atonu                                                                                     |
| <b>MATAGALUEGA</b> | Matagaluega o Fa'alapotopotoga a le Malo                                                          |
| <b>NPAT</b>        | Tupe Maua pe a uma Lafoga                                                                         |
| <b>PASP</b>        | Fuafuaga a le Vaega o Pulega a le Malo                                                            |
| <b>PB</b>          | Fa'alapotopotoga a le Malo                                                                        |
| <b>PBGD</b>        | Vaega o Pulega Lelei o Fa'alapotopotoga a le Malo                                                 |
| <b>PDS</b>         | Ta'iala mo le Lumana'i Manuia o Samoa                                                             |
| <b>PMS</b>         | Auivi mo le mataituina o galuega faatino a Tagata Faigaluega                                      |
| <b>PPP</b>         | Faiga Fa'apa'aga a le Malo ma Vaega Tumaoti                                                       |
| <b>PPPPD</b>       | Vaega mo Faiga Pa'aga ma le Faamatu'u atu o Fa'alapotopotoga a le Malo i Vaega Tumaoti            |
| <b>PTB</b>         | Fa'alapotopotoga o Fefa'atauā'iga a le Malo                                                       |
| <b>QR</b>          | Lipoti fa'a-le-kuata                                                                              |
| <b>R &amp; S</b>   | Auivi mo le Filifilia o Tagata Faigaluega                                                         |
| <b>ROE</b>         | Pasene o tupe faasili mai tupe faavae                                                             |
| <b>SCO</b>         | Fa'amatalaga o Sini Autu                                                                          |
| <b>SOE</b>         | Fa'alapotopotoga Tuma'oti                                                                         |
| <b>SWOT</b>        | Malo si, Vaivaiga, Avanoa & Luitau i Fa'alapotopotoga                                             |
| <b>WOA</b>         | Tusi Tofiga                                                                                       |
| <b>WTO</b>         | Fa'alapotopotoga mo Fefa'atauā'iga a le Lalolagi                                                  |

## UPU TOMUA A LE MINISITA

A silasila i galuega iloga ua mafai ona ausia e le Matagaluega o Fa'alapotopotoga a le Malo ("Matagaluega") i totonu o le Tausaga Faaletupe 2024, o lo o atagia mai ai o se vaitau o ni suiga tetele ma le aga'i pea i luma o le faatinoina o fuafuaga mo ni suiga talafeagai mo Fa'alapotopotoga a le Malo . O lo o fa'aauau pea le naunautaiga o le Matagaluega ina ia faaMalo sia ta'iala tau pulega, fa'amautinoa le usitaia o Tulafono e Fa'alapotopotoga a le Malo , faaleleia atili ta'iala mo le mata'ituina o auaunaga, faatinoina o le polokalame a le Malo mo le faamatuueseina o ana aseta, ma taiala o faiga faa paaga ma pisinisi tumaoti, aemaise le atina'eina o agavaa o le aufaigaluega, auā lo latou sao tāua i le ūna'ia o auaunaga a Fa'alapotopotoga tumaoti a le Malo i totonu o Samoa.

Na fa'amaonia e le Kapeneta i le aso 17 Fepuari 2024 le iloiloga a le Matagaluega mo le toe fa'amausalī ai o suiga talafeagai mo Fa'alapotopotoga a le Malo ina ia faamanino atili ai matafaioi a Minisita o lo o gafataulimaina Fa'alapotopotoga tumaoti a le Malo . O lenei mataupu na afua mai i iloiloga sa faatinoina i faatinoga tau tupe sa ausia e Fa'alapotopotoga i kuata ma tausaga taitasi, aemaise lu'itau sa faafeagai ma latou, i le taumafai lea e faatinoina a latou Fuafuaga Autasi.

Sa ou taitaiina i le masina o Aperila 2024 le usugafono a Samoa e aofia ai ma sui o le Pulega a le Matagaluega ni faatalatalanoaga ma Minisita o Fa'alapotopotoga Tumaoti a Malo o Toga, Niu Sila ma Fiti. O ia faatalatalanoaga na atagia ma fa'amausaliiina mai ai le tāua tele o le faatinoina e Samoa o auala faa le tulafono ma taiala tau pulega lelei o lo o amanaia ma fa'aaogāina faava-o-Malo ma o lo o avea ma ni vaega tāua mo le faaleleia atili o auaunaga a Fa'alapotopotoga tumaoti i totonu o ia atunuu.

O lo o manino lava matafaioi a le Minisita e fitoitonu i ai Fa'alapotopotoga a le Malo , i totonu o le Tulafono o Fa'alapotopotoga a le Malo (Faatinoga o Galuega ma le mafai ona tali atu) 2001. Na amata fo'i ona faatinoina i totonu o le masina o Fepuari 2024, e avea ai a'u ma sui o Minisita e umia sea a Fa'alapotopotoga a le Malo aemaise le Kapeneta mamalu, le tuuina atu ai Tusi o Faamatalaga o Galuega ma Faamoemoega mo 2025-2027 (*Letters of expectations*) i Komiti Faatonu o Fa'alapotopotoga uma a le Malo , e uunaia ai le faasologa o fuafuaga mo a latou Fa'alapotopotoga. O fa'atalatalanoaga a le Minisita e fitoitonu i ai Fa'alapotopotoga a le Malo ma Komiti Faatonu o Fa'alapotopotoga ta'itasi, o lo o fuafuaina e faatinoina i le tausaga faa le tupe o lo o lumanai nei ona ua utiuti le taimi e faatinoina ai i lenei tausaga faaletupe. O nei fuafuaga ua faa ta'atatia mo le unaiina o le faaleleia atili o ala manino ma le mafai ona tali atu o Fa'alapotopotoga a le Malo .

O lo o fa'aauau pea le naunautaiga o le Matagaluega i le fa'amautinoa o lo o lelei ma aogā nei suiga talafeagai i Faiga Faavae mo Fa'alapotopotoga tumaoti a Samoa aemaise le fa'aauau ona mata'ituina o le faatinoina e Fa'alapotopotoga tumaoti o latou auaunaga ma faatinoga i se tulaga vave tali atu ma le lelei.

E avea ai lenei avanoa e faaleo ai sa'u faafetai ma le faaMalo i tatou paaga uma, aemaise lava le Pulega ma le aufaigaluega a le Matagaluega o Fa'alapotopotoga a le Malo , mo le latou tautua matavela ma le galuega punoua'i i lenei tausaga tāua. O le tatou galulue faatasi ma le felagolagoma'i, o le a mafai ai ona fa'aauau le faatupuina o se siosiomaga lelei mo Fa'alapotopotoga a le Malo e mafai ona vave tali atu ma faatinoina auaunaga lelei mo o tatou tagata ma toe maua ai se tau'i lelei mai tupe faafaigaluega a le Malo .



LEATINUU Wayne So'oialo

**MINISITA O FA'ALAPOTOPOTOGA A LE MALO**

## AOTELEGA

Ua fa'amauina le siitia o auaunaga a le Matagaluega e ala i le fa'aleleia atili o ta'iala tau pulega, fa'amautinoa le tausisia o tulafono, ma le atina'eina o agava'a i Vaega uma o le Matagaluega i lenei tausaga fa'a le tupe 2024 faatasi ai ma fautuaga mo le agai i luma a o fa'aauau pea ona u'naia auaunaga a tatou Fa'alapotopotoga tumaoti a le Malo i totonu o Samoa.

**Galuega Ausia/Matati'a:** O la'asaga tãua sa mafai ona faatinoina i le tele o vaega nei:

1. ***Pulega ma vaega faatatau i le Tausia o Faiga Faavae ma Tulafono:*** O le faatinoina lelei o faiga filifiliga mo Fa'atonu ma Ofisa Sili o Pulega ua saga fa'aMalo sia ai e le Matagaluega ta'iala tau pulega lelei i totonu o Fa'alapotopotoga. E ui lava o lo o fa'aauau pea iloiloga ma lu'itau mo le mata'ituina o le tausisia o Faiga faavae ma tulafono, o lo o tumau pea le ave o le faamamafa a le Matagaluega i le fa'aleleia atili o faiga tau pulega lelei.
2. ***Galuega Mata'itu ma le Tausia o Tulafono:*** Ua fa'atino e le Matagaluega le metotia mo le iloiloina o tulaga aafia o lo o iai Fa'alapotopotoga ma faia se iloiloga mae'ae'a o le Tulafono mo Fa'alapotopotoga 2001 e fa'ailoa manino ai tulaga tonu o i ai galuega faatino pe a fua i le usita'ia o tulafono. Ae peita'i o iloiloga mae'ae'a o le Tulafono sa faatinoina e le Matagaluega, o lo o talia pea lona faamautuina mai le Ofisa o le Loia Sili a o le tuuina atu i le Kapeneta ma le Palemene mo le pasiaina o suiga talafeagai mo Tulafono o lo o aafia ai i lea iloiloga.
3. ***Atina'eina o Agavaa:*** E ui i le lē lava o le aufaigaluega, ae ua fa'ataunu'uina ma le manuia e le Vaega e Mata'ituina o Fa'alapotopotoga Galulue So'oso'o Tau'au ma Fa'alapotopotoga Tautua a le Malo galuega tãua ma ua talia aloaia le toe fa'atulagana o le vaega ina ia fa'amalieina mana'oga mo le mata'ituina ma le atina'eina o faiga fa'avae.
4. ***Fa'a pa'aga a le Malo ma Vaega Tumaoti (PPPs):*** Ua maitauina le aga'i pea i luma o le Matagaluega i le fa'ailoaina ma le iloiloina o PPP e talafeagai ma Samoa aemaise le tãua tele mo le atina'eina o le tamãoã'iga.

**Fuafuaga & Iloiloga:** E tele fuafuaga ua faataatitia e fa'aleleia ai le gafataulimaina ma le fa'agaioiga o le lelei ma le tali atu o auaunaga a Fa'alapotopotoga a le Malo :

1. ***Iloiloga o Tulafono:*** O lo o fa'atinoina nei se iloiloga atoatoa o tulafono uma e a'afia ai galuega faatino a Fa'alapotopotoga a le Malo . O lenei iloiloga o lo o atagia ai lu'itau e pei o le lē manino o le faatulagana ma tiute o le Minisita e fitoitonu i ai Fa'alapotopotoga a le Malo ma le mana'omia o le fa'amanino lelei o le eseese o tulafono ma matafaioi fa'atino. O Mati o le tausaga nei na faamaonia ai e le Kapeneta le faatinoina o lea iloiloga. Ua mae'a le su'esu'ega muamua o le Tulafono mo Fa'alapotopotoga a le Malo , ma ua fausia foi se Fuafuaga mo le faatinoina o le iloiloga o lenei Tulafono e galulue faatasi ai ma le Ofisa o le Loia Sili.
2. ***Fefa'asoa'i o tomai:*** O lo o galulue faatasi le Matagaluega ma le Itulagi o le Pasefika i avanoa e mafai ona fefa'asoa'i ai tomai ma faiga sili ona lelei, ma sa fesoasoani tele lea i le fa'amausaliina o le tatou naunautaiga ina ia fa'aleleia atili ta'iala tau pulega mo le faatinoina o galuega ma le tausisia lelei o tulafono ma Faiga faavae mo Fa'alapotopotoga a le Malo .
3. ***Fa'aleleia Auivi mo Lipoti:*** O taumafaiga ina ia siitia ai le usita'ia o mana'oga tau lipoti ua fa'aleleia atili ai le usitaia o tuutuuga mo le tuuina mai o lipoti i kuata ta'itasi ma lipoti faa le tausaga.

**Luitau & Agai i Luma:** E ui ina agai pea i luma le faatinoga o galuega ausia a le Matagaluega, ae o nisi nei o luitau o lo o maitauina pea:

1. **Tu'ufa'atasiga o PPPs:** E ui lava i le alualu i luma o le fa'ailoaina ma le iloiloaina o PPPs e agavaa e avea ma PPP, o lo o tumau pea lu'itau i le tu'ufa'atasia o le Ta'iala o Fuafuaga a le Atunu'u. O le fa'atalanoaina o nei lu'itau ma le fa'aleleia atili o le taiala mo PPP faapea ma lisi o agavaa, e tūa tele vaega nei ina ia mautinoa le fa'atinoina lelei.
2. **Usitaia o Taimi Faatapula'a:** O faafitauli o lo o feagai pea mo Lipoti Faaletausaga o le lē ausia lea o taimi faatapula'a mo le tuuina mai o lipoti ona o le tuai ona faatinoina galuega faa su'etusi. O lenei lu'itau ua leva ona faamauina, e mana'omia le mata'ituina pea ina ia mautinoa le fa'aleleia o ia vaega tūa.
3. **Faafitauli o le lē lava o le Aufaigaluega:** O le lē lava o le aufaigaluega e tula'i mai ai ni lu'itau i le fa'ataunu'uina o mana'oga mo le tali atu i auaunaga mana'omia, o le fa'aauauina pea o le atina'eina o taleni ma le ave pea o le faamuamua i le atina'eina o agava'a.

O lo o fa'atumauiina pea le faamuamua a le Matagaluega mo faiga e gafataulimaina, vave tali atu, ma le galulue so'oso'o tauau ma Fa'alapotopotoga a le Malo , mo le ausiaina o sini nei i le faaiuga o Tausaga Faaletupe ta'itasi, e pei ona faamauina i le Fuafuaga Autasi 2025-2028 a le Matagaluega:

1. Unai'a le tausisia atoatoa e Fa'alapotopotoga a le Malo o tulafono ma faiga faavae ua faamaonia e le Malo .
2. Fa'amautinoaina o lo o ofoina atu e Fa'alapotopotoga a le Malo auaunaga i lona tulaga maua ma lelei e tali atu i tagata lautele.
3. Una'ia ma ia fesoasoani le Matagaluega i Fa'alapotopotoga i le atina'eina o le tamāōā'iga ma le soifua manuia lautele e ala i a latou auaunaga.

E faamanatu pea i le Matagaluega, le tuuina atu o le auaunaga ma le faamaoni atoatoa ma ia mafai ona ausia taunuuga o lo o tūa i luga, e ala lea i le unaia pea o le Matagaluega ma le aufaigaluega ina ia tausisia Aga tausili ma taiala aloaia nei:

1. **Tali atu ma le Manino** – Mafai ona fa'amatala le mafua'aga o gaioiga na faatinoina. Faia o faai'uga i se auala manino.
2. **Vave tali atu ma le Tulaga lelei** – Ausia faai'uga lelei mo Samoa ma le amanaia o tulaga tau tamāōā'iga.
3. **Fa'amaoni ma Fa'aaloalo** – Fa'amaoni ma usita'ia tulafono a Samoa. Tausisia le va fealoa'i ma tagata, Malo ma paaga e ala i le fa'aaloalo ma amio pulea.
4. **Le Fa'aituau** – Tuuina atu fautuaga le fa'aituau, fa'atino e aunoa ma le fefe po'o le fa'aituau ma faia fa'ai'uga e tusa ai ma tulaga manaomia.

## **Tulafono ma Faiga Faavae**

O le Tulafono o Faalapotopotoga a le Malo (Faatinoga o Galuega ma le mafai ona tali atu) 2001 o lo o limataitaina ai galuega a le Matagaluega e aofia ai ma isi tulafono oloo tuuina atu i lalo:

- Faavae o le Malo Tutoatasi o Samoa 1962
- Tulafono o Kamupani 2001
- Tulafono o Tupe 2001

- Tulafono o le Komisi o Galuega a le Malo 2004
- Tulafono Faatonutonu o Tupe 2012

O lo o iai foi Faiga Faavae o lo o faatonutonuina ai galuega faatino a le Matagaluega e aofia ai:

- Faaiuga a le Kapeneta;
- Faiga Faavae mo Atina'e faa Pa'aga a le Malo ma Vaega Tumaoti 2017
- Faiga Faavae mo le Filifilia o Faatonu o Komiti Faatonu o Faalapotopotoga 2012
- Faiga Faavae mo le umiaina, mataituina ma le faamatuuina o Faalapotopotoga 2012 •
- Faiga Faavae mo Noatiaga o Galuega 2017
- Faiga Faavae o Pasene o Tupe maua mai Tupe Faavae ma Tufatufaga o Tupe Faasili 2018
- Fuafuaga mo le Faatautaia o Pulega mo Auaunaga a le Malo 2020/2021-2024/2025
- Fuafuaga o Vaega Maoti Tau Tupe 2020/2023-2026/2027
- Taiala mo le Faatulagaina o Faalapotopotoga 2020
- Taiala mo le Lumanai Manuia o Samoa 2021-2026

### **Mataituina o Lamatiaga o Galuega**


- Tali atu a le Matagaluega faapea le Malo o Samoa i aafiaga o le le Koviti 19;
- Fesoasoani lea i Faalapotopotoga a le Malo e toe faalelei ma toe vaavaai le tali atu i faama'i pipisi e ono tula'i mai aemaise lava Faalapotopotoga e ono aafia ai galuega ma mea totino pe a toe tupu mai.
- Toe faaMalo sia le toe iloilo ma vaavaai lelei i taiala mo le filifilia o Komiti Faatonu o Faalapotopotoga faapea Ofisa Sili ia atagia ai Pulega lelei i vaega uma o auaunaga; ma le
- Toe iloiloina o le Tulafono o Faiga Palota mo Ofisa Sili o Faalapotopotoga a le Malo e faamavae mai tofiga e tauva i Faiga Palota tele a le atunuu.



# FAATULAGAINA O LE MATAGALUEGA

## MATAGALUEGA O FAALAPOTOPOTOGA A LE MALO

(Fa'atulagaina o le Matagaluega i le Aso 30 Iuni 2024.)



## PULEGA LELEI O FA'ALAPOTOPOTOGA

### A. AOTELEGA:

O le sini autu o le Vaega mo Pulega Lelei ina ia galulue e siitia le faatinoga o galuega a Fa'alapotopotoga a le Malo e ala lea i le una'ia ma le fa'aMalo sia o Pulega lelei ma le tausisia o taiala o Faiga Faavae ma Tulafono, e tusa ai ma aiaiga o le Tulafono mo Fa'alapotopotoga a le Malo (2001). Ua siitia mai le fa (4) i le lima (5) sini autu o lo o galulue ai le Vaega mo Pulega Lelei e aofia ai:

(1) Faatinoga o Tofiga mo Komiti Faatonu i le taimi e iai ni avanoa; (2) FaaMalo sia faatinoga o galuega a Komiti Faatonu; (3) Faatinoga o Tofiga mo Pule Sili o Fa'alapotopotoga a le Malo i totonu o taimi faatulagaina; (4) Lelei le mataituina o le faatinoga o galuega a Pule Sili mo Fa'alapotopotoga a le Malo ; ma le (5) Lagolagosua i le faatinoina o Faiga Faavae a le Matagaluega.

### FY 2023-2024 ILOILOGA O TAUNUUGA O GALUEGA

-  Ausia
-  Fa'aauau pea le faatinoga
-  E le i ausia

| Fuataga o galuega faatino                                                                      | 2023-2024 Fuafua | 2023-2024 Taunuuga | Fuataga                                                                             | Faamatalaga                                                                                                                                                                                                                                                                                                                                                                                                                                                                                                                                   |
|------------------------------------------------------------------------------------------------|------------------|--------------------|-------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Pasene/Aofaiga o Avanoa faa Faatonu sa faasalalauina ma Tofiga o Faatonu sa faamaonia.         | 96%              | 97%                |   | <p>E tolu sefulu ma le fa (34) avanoa faa Faatonu sa mo'omia ona faatumuina i lenei tausaga. Sa faamaonia e le Kapeneta tofiga nei e 33:</p> <ul style="list-style-type: none"> <li>17 tofiga i le va-i-masina o Iulai-Tesema 2023</li> <li>16 tofiga i le va-i-masina o Ianuari-Iuni 2024</li> </ul> <p>O le avanoa faa Faatonu e tasi mo le Faletupe o Atinae a Samoa e lei mafai ona faatumuina ona sa fa'atoa avanoa lea tofiga ua mae'a ona faatinoina le faasalalauina o avanoa mo Komiti faatonu o le piriota Ianuari- Iulai 2024.</p> |
| Pasene o Iloiloga Faaletausaga o le Faatinoga o Galuega a Komiti Faatonu ua mae'a ona faatino. | 92%              | 91%                |  | <p>O le Iloiloga lona Lua o le Faatinoga o galuega a Komiti Faatonu sa faatinoina i le masina o Tesema 2023. E 138 le aofaiga o pepa o fesili mo le iloiloga sa tuuina atu i Komiti Faatonu, ma e 126 sa faatumuina ma toe tuuina mai, e tusa lea ma le 91%. O lo o tapenaina le Lipoti o le Iloiloga lona 2 ma o lo o fuafuaina e tuuina atu i le Afioga a le Minisita pe a fa'amae'aina le tapenaga, i le Kuata 1, TF2024/2025.</p>                                                                                                         |
| Pasene o fonotaga sa faatinoina e le Komiti Tutoatasi e                                        | 100%             | 100%               |  | <p>E faatautaia fonotaga a le Komiti pe a mo'omia aemaise le faatalatalanoaina o ni avanoa faatonu e fia faatumuina. E ono (6) fonotaga sa faatautaia a</p>                                                                                                                                                                                                                                                                                                                                                                                   |

|                                                                                                                                                                                          |              |      |  |                                                                                                                                                                                                                                                                                                                                                            |
|------------------------------------------------------------------------------------------------------------------------------------------------------------------------------------------|--------------|------|--|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Tofia Komiti faatonu.                                                                                                                                                                    |              |      |  | le Komiti Tutoatasi e tofia Komiti Faatonu (ISC) faatasi ai ma minute sa tapenaina ma tuufaatasia e le Vaega o Pulega Lelei.                                                                                                                                                                                                                               |
| Pasene o iloiloga sa faatinoina mo Ofisa Sili o Pulega a Fa'alapotopotoga Tumaoti e fa'aaogāina ai Ta'iala ua mae'a faamaonia e le Kapeneta                                              | 92%          | 100% |  | E sefulu ma le lua (12) avanoa o Ofisa Sili o Pulega sa fuafuaina lona faatinoga i lenei piriota, e aofia ai ACC, SAA, DBS, EPC, LTA, SFESA, SLAC, SPA, SWA, SPL, SEA ma le NKFS. Na faamautinoa e le Vaega a le Pulega Lelei le faamae'aina o nei avanoa uma ma sa mulimulita'ia Taiala ua mae'a ona faamaonia e le Kapeneta,                             |
| Pasene o iloiloga faale-tausaga o le faatinoga o galuega a Ofisa Sili o Pulega e fa'aaogāina ai Ta'iala ua mae'a faamaonia e le Kapeneta.                                                | 54%          | 43%  |  | E sefulu ma le fa (14) iloiloga o faatinoga o galuega a Ofisa Sili o Pulega a Fa'alapotopotoga sa moomia ona tuuina mai i le Matagaluega ae na o le ono (6) na mafai ona tuuina mai ma faatinoina e tusa ma le Ta'iala ua mae'a ona faamaonia e le Kapeneta.                                                                                               |
| Aso e faamaonia ai e le Kapeneta suiga e fia faatino i le Tulafono (PB Act 2001- Schedule 9) e patino i le Ta'iala mo Faiga Filifiliga mo Avanoa Ofisa Sili o Pulega a Fa'alapotopotoga. | 30 Iuni 2024 |      |  | O lenei galuega o lo o fa'aaau pea; ua mae'a ona tapenaina ma tuuina atu e le Vaega o Pulega Lelei ni suiga o lo o fuafuaina i le Tulafono (Faamatalaga 9) e patino i le puleaina o le faatinoga o Faiga Filifiliga o Ofisa Sili o Pulega, i le Ofisa o le Loia Sili mo le iloiloina ma le faamaoniaina, ae le'i tuuina atu i le Kapeneta mo lana faaiuga. |

## **E. TAUNUUGA O GALUEGA**

Sa faatinoina ma le atoatoa tiute faa failautusi mo le ISC auā le faatautaia o faiga filifiliga mo avanoa faa-faatonu e tolu sefulu ma le fa (34) i totonu o lenei tausaga faa le tupe. Mai nei avanoa e 34, e tolu sefulu ma le tolu (33) sa mafai ona faatumuina; e to'a sefulu ma le ono (16) le aofaiga o i latou ua avea ma Sui o Komiti Faatonu mo le ulua'i taimi ae sefulu ma le fitu (17) i latou ua toe faamanuiaina (ma toe faaauau) i isi tofiga.

Sa toe faatino le iloiloga o Tomai ma Agavaa ua faatulagaina mo Komiti Faatonu o Fa'alapotopotoga e ono (6) e aofia ai le Pulega o Felaua'iga i le Elelee (LTA), Ofisa o Tausi Mavaega (PTO), Fa'alapotopotoga o Suesuega Faasaenisi a Samoa (SROS), Pulega o le Suavai (SWA), Kamupani o Auaunaga o Vaa (SSS) ma le Fa'alapotopotoga o Vaa a Samoa (SSC), ma ua mae'a ona faamaonia e le ISC. Na faatinoina lenei iloiloga i le taamilosaga lona lua o faiga filifiliga mo avanoa i Komiti Faatonu mo lenei tausaga faa le tupe, e foia ai le faafitauli o le leai o nisi e iai agavaa faa-loia ma tomai faa-le-tulafono sa moomia i Komiti Faatonu.

Sa faatinoina foi se Polokalame Faalauiloa i le aso 19 Setema 2023, mo Sui Faatonu e tolu sefulu ma le iva (39) fa'atoā filifilia mo le taimi muamua i se Komiti Faatonu, mo le faailoaina ia te i latou o taiala faaletulafono ma a latou tiute ma matafaioi e tatau ona faatinoina e Sui Faatonu o Komiti Faatonu a Fa'alapotopotoga a le Malo .

Ua mae'a ona faatinoina le Iloiloga lona lua o le Faatinoga o Galuega a Komiti Faatonu. E 138 le aofa'i o pepa o fesili mo le Iloiloga sa tuuina atu i sui o Komiti Faatonu, ma e 126 sa faatumuina ma toe tuuina mai, e tusa lea ma le 91 pasene. O se taunuuga lelei tele lea pe a faatusatusa i le tausaga 2019, e na o le 78 pasene o pepa o fesili mo le iloiloga sa mafai ona tali mai. O lo o tapenaina le Lipoti o le Iloiloga lona Lua ma o lo o fa'atalia le faamaoniaga a le Ofisa Sili o Pulega a le Matagaluega.

Ua mae'a foi ona faatinoina faiga filifiliga mo avanoa o Ofisa Sili o Pulega a Fa'alapotopotoga a le Malo na tatau ona faatinoina i totonu o le tausaga faaletupe 2023/2024. O nei faiga filifiliga sa faatinoina uma e tusa ma Taiala ua mae'a faamaonia e le Kapeneta.

## **I. FUAFUAGA MA ATINAE:**

O le aso 23 Setema 2020 na faamaonia ai e le Kapeneta lana faaiuga – FK(20)37 – sa faatonuina ai Komiti Faatonu uma o Fa'alapotopotoga a le Malo ina ia faamautuina le faatinoina o ni latou Ta'iala o Amioga Pulea faapea Ta'iala o Aiā Fete'ena'i.

O nei taiala e fesoasoani lea i Komiti Faatonu i le faatinoina lea o le latou tiute i se tulaga maua luga e atagia ai aga tausili ma Faiga Pulega lelei. O nei taiala e ta'i tolu tausaga ma iloilo ina ia o gatasi ma suiga o sui auai o Komiti Faatonu ina ia mautinoa ai le faamautuina lea e sui fou o Komiti Faatonu le faaauauina o le faatinoina o galuega ma le faaMalo sia lea o le Taiala mo Amioga Pulea.

E 20 Faalapotopotoga a le Malo na fesoasoani i ai le Vaega o Pulega Lelei aua le toe iloilo ina o a latou Taiala mo Amioga Pulea ma ua faapea ona maea ona sainia nei taiala. O le SSFA, STEC, SLC e le i aofia i lea iloiloga ona o lo o feagai ma le faamatuina atu I lalo o Matagaluega fou oloo aofia ai faapea le NUS ona e iai lava le latou Komiti Faatonu ma Taiala e limata'ita'ina ai latou.

## **O. LU'ITAU MA VAAIGA TAULAI:**

E valu (8) Iloiloga o Galuega Faatino a Ofisa Sili o Fa'alapotopotoga a Le Malo o lo o talia pea i le taimi nei. O le lē tausisia o aso faatulagaina e tuuina mai ai Iloiloga o Galuega Faatino a Ofisa Sili i tausaga taitasi o lo o avea pea ma lu'itau mo le Vaega o Pulega Lelei. O lo o fautuaina pea le Vaega ina ia mata'ituina ma tulitatao

pea i nei galuega e le o tuuina mai i taimi faatulagaina, aemaise le lipoti atu i le Pule Sili o le Matagaluega mo sana fautuaga talafeagai ina ia taumafai e unaia Komiti Faatonu a Fa'alapotopotoga, ia tuuina mai i taimi faatulagaina ia Iloiloga o Galuega Faatino a Ofisa Sili o Pulega a latou Fa'alapotopotoga.


## MATAITUINA O FAALAPOTOPOTOGA TAU FEFAATAUĀIGA

### A. AOTELEGA:

O tiute tauave a lenei vaega o le mata'itu ma le tuuina atu o fautuaga talafeagai mo faiga faavae i se auala fefaasoa'i mo le una'ia ma le faaleleia o taunuuga o galuega a Fa'alapotopotoga Tau Fefa'atauā'iga (FTF) a le Malo . O FTF o lo o lisiina i le Faamatalaga 1 (Schedule 1) o le Tulafono mo Faalapotopoga a le Malo (Faatinoga o Galuega ma le Mafai ona Tali Atu) 2001.

### TAUSAGA FAALETUPE 2023-2024 ILOILOGA O TAUNUUGA O GALUEGA

-  Ausia
-  Fa'auau pea le faatinoga
-  E le i ausia

| Fuataga o galuega faatino                                                                                                                                      | 2023-2024 Fuafua | 2023-2024 Taunuuga | Fuataga                                                                             | Faamatalaga                                                                                                                                                                                                                                                                                                                                                                                                            |
|----------------------------------------------------------------------------------------------------------------------------------------------------------------|------------------|--------------------|-------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Usitaia e FTF o aiaiga o le faatinoina o lipoti e tusa ma le Tulafono mo Fa'alapotopotoga a le Malo 2001.                                                      | 100%             | 86%                |   | O lo o usitaia e FTF uma le tuuina mai o Lipoti faale-kuata i le Matagaluega e tusa ma aiaiga o le tulafono, sei vagana ai le SLC ma le STEC.<br>O lo o faatalia le tuuina mai e le SLC o le latou Lipoti mo le kuata Aperila-Iuni 2024.<br>E le i mafai e le STEC ona tuuina mai Lipoti mo kuata e 3, mai ia Oketopa 2023 – Iuni 2024.<br>O lo o talia pea Lipoti Faaletausaga a le PAL ma le STEC e le i tuuina mai. |
| Pasene o FTF o lo o usitaia faiga faavae o tufatufaga mai tupe faasili.                                                                                        | 94%              | 94%                |  | O lo o mulimulitaia uma e FTF aiaiga o le faiga faavae mo tufatufaga o tupe faasili sei vagana ai le SLC, e mafua mai i le ese'esega o paleni o tufatufaga o tupe faasili o lo o faamauina faatasi ai ma le eseese o le faauigaina e le SLC ma le Matagaluega o le faiga faavae mo tufatufaga mai tupe faasili. O lo o fa'auau pea faatalanoaga o lenei mataupu ma le SLC.                                             |
| Pasene o FTF ua mae'a iloiloga i Faiga faavae faaopopo o le Puleaina o Tupe auā le siitia ai o pasene mai Tupe faavae ma tufatufaga o Tupe faasili i le Malo . | 80%              | 100%               |  | Ua mae'a ona faatinoina le iloiloga o faiga faavae mo le puleaina o tupe e aofia ai le iloiloga o tinoitupe faasili ma le fa'aaogaina o Aseta mo FTF uma, ma ua fa'amauina nei iloiloga i totonu o lipoti faalekuata ma lipoti faaletausaga sa tuuina atu i Minisita e umia sea i FTF.                                                                                                                                 |

|                                                                                                                                                                                                      |            |     |  |                                                                                                                                                                                                                                                                                                                                                                                                                                                               |
|------------------------------------------------------------------------------------------------------------------------------------------------------------------------------------------------------|------------|-----|--|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| O le aso e faamaonia ai e le Kapeneta suiga i le Tulafono mo Faiga faavae e aofia ai Noatiaga mo Galuega i Nu'u ma Alalafaga (CSO Policy) ma suiga i le taiala mo le Faamatalaga i Sini Autasi (SCO) | 01-Iuni-24 |     |  | Ua mae'a ona faatinoina faatalanoaga i le suiga o le faauigaina o le Noatiaga o Galuega i Nu'u ma Alalafaga (CSO) faatasi ai ma suiga fou o Fuafuaga Autasi ma Faamatalaga i Sini Autasi (CP & SCO). O lo o talia nei faatalatalanoaga a le Matagaluega ma nisi o Matagaluega e aofia ai le Matagaluega o Tupe (MOF) a o le i tuuina atu le lipoti i le Kapeneta.                                                                                             |
| Pasene o FTF ua mae'a ona iloilo le lua tausaga muamua o Fuafuaga Autasi 2021-2024.                                                                                                                  | 100%       | 93% |  | E 13 FTF na tuuina mai a latou iloiloaga mo le lua tausaga muamua o Fuafuaga Autasi 2021-2024 ma ua mae'a foi ona iloilo e le Matagaluega vagana ai le PAL.<br>E ese le piriota o le fuafuaga autasi a le UTOS ma sa tuuina mai le latou Fuafuaga Autasi fou ma ua mae'a foi ona iloilo e le Matagaluega.<br>O le STEC o lo o fa'aaogaina pea le latou Fuafuaga Autasi mo le 10 tausaga, 2018- 2028. E le i iai se Fuafuaga Autasi a le PAL mo le 2021- 2024. |

## E. TAUNUUGA O GALUEGA:

### 1. Faiga Faavae

#### **Faiga Faavae o Tufatufaga o Tupe Faasili & Pasene o Tupe Faasili e maua mai i Tupe Faavae a le Malo :**

O lo o maitauina pea le usitaia e FTF o Faiga Faavae o Tufatufaga o Tupe Faasili ma Pasene o tupe faasili e maua mai i Tupe Faavae a le Malo , e pei ona atagai i le tausisia e FTF o faiga faavae aemaise le tuuina mai tufatufaga o tupe faasili i taimi faatulagaina. E ui i le feese'esea'iga a le SLC ma le MATAGALUEGA e faatatau i le latou paleni o tufatufaga o tupe faasili, ae na totogi mai lava e le SLC le \$2 miliona i le Malo .

O le Faaiuga a le Kapeneta FK(24)03 na faamaonia ai le faamatuu atu o le SLC i le Matagaluega o Fanua ma Fuagafanua (MLS), ma e mana'omia foi se faaiuga a le Kapeneta mo le totogiina mai e le SLC o le paleni tuua o tufatufaga o tupe faasili, a o le i faa maape le kamupani i lalo o le Tulafono o Kamupani 2001.

Ua faailoa atu i le siata i lalo le aofa'i o tupe na aoina mai i tufatufaga mai tupe faasili mai amata mai i le tausaga 2019. O lo o atagia mai ai tufatufaga na maua ina ua amata le faamamaluina o Faiga Faavae o Tufatufaga o Tupe Faasili.

| Tausaga Faa-le-Tupe                           | 2019   | 2020  | 2021   | 2022   | 2023   | YTD Iuni 2024 |
|-----------------------------------------------|--------|-------|--------|--------|--------|---------------|
| <b>Tufatufaga o tupe faasili na aoina mai</b> | 15.12m | 6.36m | 19.51m | 12.52m | 11.65m | 9.69m         |
| <b>Pasene o Tupe Faasili mai Tupe Faavae</b>  | 4%     | 4%    | 2%     | -4%    | -2.6%  | 5.3%          |

E ui i le faaitiitia o tufatufaga o tupe faasili na aoina mai FTF talu mai le tausaga 2021, o lo o faamauina pea le alualu i luga o le aofa'i o tupe faasili na aoina mai, pe a faatusatusa i tufatufaga na fuafuaina. E \$9.5 miliona

na fuafua e aoina mai i le tausaga faaletupe 2024. E tusa ai ma tupe gau na faamauina, o lea na mafua ai pasene gau mai tupe faavae, e 4% i le 2022 ma le 2.6% i le 2023. E 5.3% pasene mai tupe faavae na faamauina i le Tausaga faaiuina ia Iuni 2024.

**Ta’iala mo le Puleaina o Tupe**

O lo o faagasolo pea le faatinoina o iloiloga o le pulea lelei o tupe i FTF e fa’aaogāina ai ta’iala e fesoasoani e siitia ai faamaumaga mo Tufatufaga o tupe faasili faapea pasene o tupe maua mai i tupe faavae. E 2 ta’iala na faatinoina e aofia ai le ta’iala mo Tinoitupe faasili (Surplus Capital) faapea le fa’aaogāina o Aseta (Asset Utilization), ma o lo o faamauina ia i totonu o lipoti faalekuata ma lipoti faaletausaga ua tuuina atu i Minisita e umia sea. O lo o fuafua le Vaega Mata’ituina o Fa’alapopototoga Taufefa’atauā’iga e faatino iloiloga o isi taiala e 2 mai le 6 taiala i le tausaga fou.

E \$1.97pilionā le aofaiga o aseta a FTF na faamauina i le tausaga faaletupe 2023. Mai lea paleni, e 89% o aseta o meatotino ma o le 11% o aseta tau tupe. O Aseta tau Tupe o lo o aofia ai tupe o lo o i faletupe e \$48.5 miliona, o tupe teu faavaitaimi e \$96.09 miliona, tupe teu faafaigaluega i le UTOS e \$69.8miliona faatasi ai ma isi tupe teu faafaigaluega e \$9.9miliona. O lo o faagasolo i le taimi nei iloiloga a suetusi i taunuuga o galuega faaiuina ia Iuni 2024, ma o lea faailoa atu i le tausaga faaletupe fou, pea mae’a ona iloilo e suetusi.

**2. Usitaia o Tulafono**

O lo o tumau pea le maualalo o le tulaga o le usitaia e FTF o aiaiga o lo o i totonu o le Tulafono mo Fa’alapopototoga a le Malo 2001 ona o le lē tuuina mai o lipoti faaletausaga a le STEC ma le PAL. O lo o ave le faamuamua a le STEC i Faaiuga a le Kapeneta e ala i le tuuina atu o se tasi o latou vaega i le Matagaluega o Fanua ma Fuagafanua, faatasi ai ma le faatuina o le Pulega o Fefaatauaiga o Oloa a Samoa (SEA), ua tuai ai ona tuuina mai lipoti i le Matagaluega. O lo o unaia pea e le CEMD le usitaia e nei Fa’alapopototoga o aiaiga o le Tulafono e ala i lipoti e tuuina atu i le Kapeneta ma lipoti e tuuina atu i Komiti Faatonu ma Pulega o FTF.

**3. Tuufaatasiga o Taunuuga o Galuega**

Na faamauina e FTF tupe faasili e \$39.5miliona mo le 12 masina faaiuina ia Iuni 2024 faatusatusaga i le aofai o tupe gau e \$22.1miliona na faamauina i le tausaga faaletupe 2023. O lenei taunuuga na afua mai i tupe faasili na faamauina e FTF uma sei vagana ai le DBS, EPC ma le SWA na latou faamauina tupe gau. E lua (2) FTF e le o aofia i lenei taunuuga ona e le’i tuuina mai lipoti faalekuata faaiuina ia Iuni 2024, e aofia ai le SLC ma le STEC.

**4. Iloiloga o Tufatufaga o Tupe Faasili**

O le iloiloga o tufatufaga mai tupe faasili a FTF o lo o tuuina atu i lalo e aofia ai totogi mulimuli (final dividend) mai tausaga faa-le-tupe 2022/2023, o le totogi o le 6 masina muamua o le tausaga faa-le-tupe 2024 ma tupe tuua o tufatufaga o tupe fasili mai tausaga ua mavae. O tufatufaga o tupe faasili o lo o faaauau pea ona siitia le lelei e ui o lo o pa’u pe’a faatusatusa i tausaga faa-le-tupe ua mavae ona o le tele o le aofaiga o tupe tuua mai tausaga ua mavae sa mafai ona aoina.

|   | FTF | Tufatufaga o tupe faasili na aoina mai 2022/2023 | Tufatufaga o tupe faasili Fuafuaina mo le 2023/2024 | Tufatufaga o tupe faasili na aoina mai 2022/2023 |
|---|-----|--------------------------------------------------|-----------------------------------------------------|--------------------------------------------------|
| 1 | DBS | n/a                                              | n/a                                                 | n/a                                              |
| 2 | EPC | n/a                                              | n/a                                                 | n/a                                              |
| 3 | PAL | n/a                                              | n/a                                                 | n/a                                              |
| 4 | PTO | 247,262.71                                       | 111,641                                             | 146,397.64                                       |
| 5 | SAA | 1,424,843.00                                     | 1,424,843                                           | 1,000,000.00                                     |



|    |                |                      |                  |                     |
|----|----------------|----------------------|------------------|---------------------|
| 6  | SHC            | 700,000.00           | 494,778          | 1,000,000.00        |
| 7  | SIFA           | 5,222,228.98         | 5,222,216        |                     |
| 8  | SLC            | -                    | 430,902          | 2,000,000.00        |
| 9  | SPA            | 3,237,973.75         | 1,842,178        | 4,761,098.45        |
| 10 | SPL            | 336,626.05           |                  | 18,650.45           |
| 11 | SSC            | 13,850.20            |                  | 340,346.30          |
| 12 | SSS            | 82,512.85            |                  | 180,825.57          |
| 13 | STEC           | -                    |                  |                     |
| 14 | SWA            | 161,776.48           |                  |                     |
| 15 | UTOS           | 218,120.50           |                  | 248,142.10          |
|    | <b>AOFAIGA</b> | <b>11,645,194.52</b> | <b>9,526,558</b> | <b>9,695,460.51</b> |

O le aofaiga o tupe na mafai ona aoina mai tufatufaga o tupe faasili ua faamauina i le \$9.6 miliona, e 2% ua siitia ai pea faatusatusa i le aofaiga o tufatufaga na fuafuaina. O lenei aofaiga o lo o aofia ai le 11% o tupe aoina mai le 6masina muamua (Iuni -Tesima 2023) o le tausaga faa-le-tupe 2024, 58% o totogi mulimuli (final dividend) na aoina mai mo le tausaga faa-le-tupe 2023 ma le 31% o tupe tuua na aoina mo tausaga faa-le-tupe ua mavae.

O le \$9.5 miliona na fuafua e aoina mai i tufatufaga o tupe faasili mo le tausaga faa-le-tupe 2024 o lo o aofia ai tufatufaga o tupe faasili a le SIFA e \$5.2miliona, peitai na totogiina mai lenei tinoitupe i le tausaga faaletupe 2022/2023. O tupe fuafuaina e maua mai i tufatufaga o tupe faasili sa fua i luga o le faiga faavae ma le gafatia ona totogi o tufatufaga o tupe faasili e fua i luga o iloiloga o Tinoitupe mama.

## I. FUAFUAGA MA ATINAE:

### 1. Iloiloga o Tulafono ma Faigafa'ave.

O lo o galulue faatasi lenei Vaega ma isi Vaega o le Ofisa, o le a faamautinoa ai le vave o le faatinoga o le iloiloga atoa mo le Tulafono o Fa'alapotopotoga a le Malo 2001 ma ia aofia uma ai isi teuteuga e talafeagai mo le mataituina o FTF.

- Toe faaleleia le faasologa o Faamatalaga o Sini Autasi.
- Teuteuga o le faauigaina o le Noatiaga i Galuega i Nuu ma Alalafaga ma faaleleia auala e faamaonia ai.

O le iloiloga o Tulafono Faavae o Fa'alapotopotoga uma a le Malo na amataina ia Iuni 2024. O le nei galuega sa faamaonia e le Kapeneta i lana FK (24) Faapitoa 01, ma le naunautaiga ina ia manino ma mautu matafaioi o Minisita e fitoitonu iai Fa'alapotopotoga taitasi. O lo o galulue faatasi le ***Vaega Mata'ituina o Fa'alapotopotoga Taufefa'atauiga*** ma isi Vaega o le Ofisa i le taumafai e faamautu ma faamae'a lea galuega ina ia atagia nei suiga i totonu o le Tulafono o Fa'alapotopotoga a le Malo 2001.

I le taumafaiga foi a le Matagaluega e faamautu se Faavae (Framework) mo Fa'alapotopotoga, sa auai atu ai le Afioga i le Minisita o Fa'alapotopotoga a le Malo ma nisi o le Pulega i ni faatalatalanoaga ma Minisita faapea Pulega o Matagaluega o Fa'alapotopotoga ma Kamupani a le Malo i Niu Sila, Fiti, ma Toga, e patino lava i auala ma metotia o lo o fa'aaogāina e faatino ai a latou aia tatau poo le pule tatau i latou Fa'alapotopotoga. O le nei lipoti sa tuuina atu, faatasi ai ma nisi o fuafuaga mo le atinae o Fa'alapotopotoga a Samoa sa tuuina atu i le Kapeneta i le masina o Iuni, 2024.

### 2. Faatinoga o le FK (24) Faapitoa 02 ma le FK (24) Faapitoa 03.

I lana FK (24) Faapitoa 03, sa faamaonia ai e le Kapeneta le faavaeina o le Matagaluega o Fanua ma Su'esu'ega. O le nei Matagaluega fou a le Malo o le a tuu faatasi ai le aotelega o fanua lisi ma tupe teu

faafaigaluega sa i lalo o le vaaiga a le STEC ma SLC, faatasi ai ma le Vaega o Faamatalaga Faafanua faapea le Vaega mo le Puleaina o Fanua mai le Matagaluega o Punaoa Faalenatura ma le Siosiomaga. I lana FK (24) Faapitoa 02, sa faamaonia ai foi e le Kapeneta le faavaeina o le Pulega o Oloa Tuuina atu i Fafo (Samoa Export Authority) e avea ma Fa'alapotopotoga Tau Famanuiaga a le Malo .

O nei suiga fou i le fausaga o Fa'alapotopotoga ua faaitiitia ai le aofaiga o FTF mai le 15, i le 13. O le taimi nei foi, ua mae'a feutanaiga ma le Vaega o le MBMD i le tuuina atu o le isi avanoa Research Officer a le CEMD mo le latou vaega ona o le toalaiti o le afaigaluega. E ui lava ua toalaiti ai le ***Vaega Mata'ituina o Fa'alapotopotoga Taufefa'atauaiga***, o lo o tumau pea le tulaga maua luga o le faatinoga o galuega aemaise fautuaga tuuina atu i Minisita o lo o umiaina sea (Shareholding Ministers).

### **3. Taiala mo le Puleaina o Tupe.**

O lo o fa'aauau pea le galuega a le ***Vaega Mata'ituina o Fa'alapotopotoga Taufefa'atauaiga*** i le iloiloaina o le pulea lelei o tupe i FTF e fa'aaogaina ai ta'iala mo Tinoitupe Faasili (Surplus Capital) faapea le Fa'aaogaina o Aseta (Asset Utilization). O le taimi nei, e lua (2) taiala ua amata ona fa'aaogaina e le Matagaluega e faatino ai iloiloiga o lipoti faa le kuata ma lipoti faa le tausaga a FTF. E le gata i lea, o lo o aofia foi nei taiala i totonu o le lipoti o le aotelega o galuega faatino a Fa'alapotopotoga uma a le Malo lea e tuuina atu i le Kapeneta.

### **4. Metotia mo le iloiloaina o Tulaga Lematia a FTF (Health Check Tool)**

O lo o fa'aauau pea le aofia ai o le Health Check Tool i totonu o iloiloiga ma lipoti a le Matagaluega e aofia ai lipoti o le aotelega o galuega faatino a Fa'alapotopotoga faaletausaga. O lo o fa'aauau foi faatalatalanoaga ma konesale na fesoasoani i le faavaeina o lenei metotia i nisi o luitau o lo o feagai ma le CEMD faapea le MBMD i le fa'aaogaina. E i ai le naunautaiga ina ia soalaupule nei luitau i se taimi vave mo le faaleleia atili o auala o lo o mataitu ai galuega faatino a tatou Fa'alapotopotoga.

### **5. Fonotaga Muamua o Fa'alapotopotoga a le Malo 2023.**

O le masina o Iulai 2023 sa ausia ai e le Matagaluega se isi o matati'a maua luga, e taua mai i le faatinoga o le Fonotaga Muamua o Fa'alapotopotoga a le Malo 2023 (SOE Forum 2023). O lea fonotaga sa faasoa ai sui o vaega a le Matagaluega o lo o mataituina faatinoga o galuega a Fa'alapotopotoga ma tuuina atu ai le taunuuga o galuega faatino a Fa'alapotopotoga mo le tausaga faaletupe 2022-2023. Sa mafai ona auai mai Taitaifono ma nisi o sui o latou Komiti Faatonu, Pule Sili ma nisi o le Pulega, faapea sui mamalu mai nisi o Matagaluega a le Malo .

### **6. Fuafuaga Autasi ma Faamatalaga o Sini Autasi 2025 - 2027**

O le masina o Novema 2023 sa faatino ai faatalatalanoaga ma Fa'alapotopotoga ia latou Fuafuaga Autasi 2025-2027. Sa faamautu ma faamanino i Fa'alapotopotoga suiga fou i le faagasologa o fuafuaga autasi, ma le naunautaiga ia aofia ai totonu faamoemoega o le Afioga i le Minisita o Fa'alapotopotoga a le Malo mo Fa'alapotopotoga taitasi, faatasi ai ma suiga i le vaitaimi o fuafuaga autasi mai le 4 tausaga i le 3 tausaga.

## **O. LU'ITAU MA VAAIGA TAULAI:**

Ua toe fa'aauauina le iloiloiga o Tulafono Faavae o Fa'alapotopotoga taitasi, ma o lo o ave le fa'amamafa ma le faamuamua i le taumafai e faamautu ma faamanino matafaioi o Minisita e fitoitonu iai Fa'alapotopotoga taitasi nei. O lenei galuega o lo o iai le faamoemoe e faataunuu i totonu o le Tausaga Faaletupe 2024-2025. O le a fa'aauau pea lea galuega i faatalatalanoaga ma polokalame faalaui loa ma sui o Komiti Faatonu faapea Pulega o Fa'alapotopotoga taitasi, faapea Minisita o le Kapeneta.

Fa'aauauina pea faatalatalanoaga a le CEMD ma sui sa faavaeina le Health Check Tool i le taumafai e soalaupule faafitauli tau tekonoosi o lo o feagai ai ma le fa'aaogaina. Ua matauina e le Matagaluega le aoga

tele o le HCT i le faalelei atili o iloiloga o lo o faatino e le aufaigaluega ma tuuina atu i Minisita o lo o Umia Sea ma le Kapeneta i tulaga o galuega faatino a Fa'alapotopotoga.

O le lē usitaia e FTF o le tuuina mai o lipoti e tusa ma aiaiga o le Tulafono mo Fa'alapotopotoga a le Malo 2001 o lo o avea pea ma luitau. O lo o fa'aauau pea galuega a lenei Vaega ina ia faalelei lea tulaga e aofia ai le tuuina atu o faamanatu faifai pea ma le auai atu o le aufaigaluega e fesoasoani i luitau o lo o feagai ma FTF.

## VAEGA E MATAITUINA FAALAPOTOPOTOGA SOOSOO TAUAU & FAALAPOTOPOTOGA FAAMANUIAGA A LE MALO

### A. AOTELEGA

O le sini autu a le Vaega e Mata'ituina Fa'alapotopotoga So'oso'o Tauau ma Fa'alapotopotoga Tau-fa'amanuiaga a le Malo ('MBMD'), o le fausia lea o Faiga Faavae ma tulafono fa'atonutonu e tu'uina atu ai fautuaga talafeagai mo le si'itia ma le unaia o pulega lelei ma le faatinoga o galuega ina ia mautinoa le faasafuaina o tupe faasili aemaise le fa'aleleia o taunu'uga o auaunaga a nei Fa'alapotopotoga ale Malo . O Fa'alapotopotoga So'oso'o Tauau (SLAC & SNPF) e fa'atusaina o ni Fa'alapotopotoga Tau Fefa'atauaiga a le Malo i le unaia lea o tupe faasili mai tupe faaalu, ae pau lona eseese, e le totogiina ni a latou tufatufaga o tupe fa'asili i le Malo , ae totogi atu i sui fai saofaga ma e o umia inisiua. A o Fa'alapotopotoga tau fa'amanuiaga a le Malo (ACC, GCA, LTA, NKFS, NUS, SFESA, SQA, SROS, SSFA ma le STA) e fa'ataua le tu'uina atu o le auaunaga i tagata o le atunuu i se tulaga silisili ma le talafeagai e pei o latou matafaioi ma auaunaga autu.

### ILOILOGA O TAUNU'UGA O GALUEGA MO LE TAUSAGA FAA-LE-TUPE 2023-2024

- Ausia
- Fa'aauau pea le faatinoga
- E le i ausia

| Fuataga o galuega faatino                                                                                                                                                             | 2023-2024<br>Fuafua | 2023-2024<br>Taunuuga | Fuataga | Faamatalaga                                                                                                                                                                                                                                                                                                                                                                                           |
|---------------------------------------------------------------------------------------------------------------------------------------------------------------------------------------|---------------------|-----------------------|---------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Tu'uina mai o Lipoti Fa'a-le kuata mo Fa'alapotopotoga Galulue So'oso'o Tauau ma Fa'alapotopotoga Tautua i aso fa'atulafonoina (1 le masina i le maea ai o le kuata)                  | 100%                | 67%                   |         | E ui i le le tausisia o aso fa'atulafonoina mo le tu'uina mai o lipoti e nisi o Fa'alapotopotoga, ae fiafia e faailoa atu ua atoa uma mai lipoti a Fa'alapotopotoga Soosoo Tauau ma Tau-Faamanuiaga ma ua faapea ona aofia uma i le Lipoti Tuufatasi o le aotelega o le faatinoga o galuega a Fa'alapotopotoga ua tuuina atu i le Kapeneta mo kuata uma e 4 o le tausaga faaletupe o lo o iloiloaina. |
| Tu'uina mai o Lipoti Fa'a-le Tausaga mo Fa'alapotopotoga Galulue So'oso'o Tauau ma Fa'alapotopotoga Tautua i aso fa'atulafonoina (4 le masina i le maea ai o le Tausaga Fa'a Le Tupe) | 100%                | 42%                   |         | E nao le lima (5) mai le sefulu male lua (12) Fa'alapotopotoga sa usitaia aso fa'atulafonoina e tu'uina mai ai lipoti fa'aletausaga. E ui i lea, ua mae'a on tu'uina mai uma lipoti faaletausaga a Fa'alapotopotoga uma e 12 ma ua uma mae'a foi ona iloiloaina e lenei Vaega (MBMD)                                                                                                                  |
| Aso e fa'amae'a ma pasia ai e le Kapeneta le Faigafa'avae mo le                                                                                                                       | Iuni 2024           |                       |         | Ua maea ona fausia se ata fa'ataitai ma o lo o talia se Konesale ua iai le tomali faapitoa (TA) e toe iloilo lea                                                                                                                                                                                                                                                                                      |

|                                                                                                                                                                                     |           |           |  |                                                                                                                                                                                                                                                                                                                                                                                                                                                                                                                  |
|-------------------------------------------------------------------------------------------------------------------------------------------------------------------------------------|-----------|-----------|--|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Fa'afaigaluegaina o Tupe a Fa'alapotopotoga                                                                                                                                         |           |           |  | faiga-faavae ma faamautuina vaega uma.                                                                                                                                                                                                                                                                                                                                                                                                                                                                           |
| Aso e fa'amae'a ma talia ai e le Kapeta le Fa'ava'a e iloilo ai lona aotelega o le ono lamatia ai o le fa'atinoga o galuega a Fa'alapotopotoga                                      | Iuni 2024 |           |  | O le Faiga Faavae o le puleaina o tulaga lamatia o le fa'atinoga o galuega ua maea ona faasoa iai le Matagaluega.<br>O lea Fa'ava'a o le iloiloga o tulaga lamatia e faalauteleina o metotia ua faaigoaina o le Health Check Tool ia aofia ai ma le stress testing and benchmarking. O lo o faatalatalanoa pea e le Matagaluega le faaigoaina o lea metotia ua faaigoaina o le IMF Risk Assessment Framework.                                                                                                    |
| O le ioeina ma le faatinoina o le talosaga ina ia toe faatulagaina le Vaega e Mataituina<br>Fa'alapotopotoga So'oso'o Tauau ma Fa'alapotopotoga Fa'amanuiaga a le Malo              | Mati 2024 | Iuni 2024 |  | Ua iai le faamaoniga o lea talosaga e le Komisi mo tagata faigaluega a le Malo ia Iuni 2024 ma o le a fa'ataunu'uina ile Tala-faatatau o Tupe2024/25                                                                                                                                                                                                                                                                                                                                                             |
| Pasene o le Fuafuaga Autasi a le Vaega e Mataituina<br>Fa'alapotopotoga So'oso'o Tauau ma Fa'alapotopotoga Fa'amanuiaga a le Malo 2025-2028 ua faamaonia e le Minisita faatuatuaina | 80%       |           |  | E le'o auai le LTA ma le SSFA i lea galuega taua: O lo o iai le Fuafuaga Autasi mo le LTA e faatoa fa'amuta lona aoga i le tausaga faaletupe 2026, ae o le SSFA ua a'afia i lalo o le fetu'unaiga a le Malo e ala lea i le tuu faatasia ai I totonu o le Matagaluga o Taaloga ma Fa'afiafiaga. Mai le toa 10 o Fa'alapotopotoga So'oso'o Tauau ma Fa'alapotopotoga Tau-Fa'amanuiaga a le Malo , e 6 Fa'alapotopotoga ua maea ona tuuina mai a latou fa'amatalaga o nei galuega ao lei uma le masina o Iuni 2024. |

## E. TAUNUUGA O GALUEGA

### 1. Fonotaga O Fa'alapotopotoga A Le Malo

Sa tele le sao a lenei vaega o le MBMD i le fonotaga mo Faalapotopotoga uma a le Malo Samoa sa faatinoina e le Matagaluega mo Faalapotopotoga a le Malo sa fa'atautaia i le aso Faraile 28 o Iulai 2023. Sa folasia ai le aotelega o taunu'uga o le fa'atinoga o galuega mo tausaga faaletupe 2018-2022 i Ta'ita'ifono ma Ta'ita'i o Fa'alapotopotoga uma a le Malo . E taula'i lenei Vaega i le faatinoga o galuega a Fa'alapotopotoga So'oso'o Tauau ma Fa'alapotopotoga Tau-Fa'amanuiaga a le Malo e ala i fa'amaumaga ma iloiloga e fa'aogaina ai le metotia ua faaigoaina o le Health Check Tool. Sa fetufaa manatu lelei ma fautuaga mo le fa'aleleia atili i e sa auai atu i lea fonotaga ma ua avea lea tulaga o le a faatautaia ai lenei fonotaga i tausaga uma.

## **2. Si'itia le Fafoeina lelei o galuega**

O lenei vaega e pito i to'alaiti ai lava pe a fa'atusa ma le auivi o le Matagaluega. E toa 4 le aofai o le aufaigaluega o lea Vaega e aofia ai le Pule Sili Lagolago, ma laga aufaigaluega e to'atolu (3)-Principal, Senior ma le Officer. O le matafaioi o le mata'ituina o faatinoga o galuega o Fa'alapotopotoga e 12 (2 Fa'alapotopotoga So'oso'o Tauau ae 10 Fa'alapotopotoga Fa'amanuiaga) a le Malo . E ui i le to'aitiiti o le fuainumera aemaise le to'esea ai o se tasi o sui i Malo loga fa'atina (maternity) ma i'u ai lava ona faamavae mai le galuega, sa mafaia lava e le to'atolu ona faamac'a uma galuega sa tuuina atu ai. E ao ona faailo lea tulaga ua latou ausia i le piriota o lo o iloiloaina.

## **3. Teuteuga o le Tulafono o Fa'alapotopotoga a le Malo 2001:**

O lo o faaagasolo pea iloiloiga i teuteuga o le Tulafono mo Fa'alapotopotoga a le Malo 2001 ma o lo o iai ma teuteuga e aafia ai tulafono e patino i Fa'alapotopotoga So'oso'o Tau'au ma Fa'alapotopotoga o Faamanuiaga a le Malo . E ui ina fita lenei galuega ma tele le taimi sa faatino ai, sa faatino lava male laufofoga fiafia e lenei vaega aua lona taua male aoga ile siitia ai o le tomai ma agavaa ale aufaigaluega.

## **4. Lipoti:**

O lipoti nei sa tapenaina ma tuuina mai e le Vaega e Mata'ituina Fa'alapotopotoga So'oso'o Tauau ma Fa'alapotopotoga Tau-Fa'amanuiaga a le Malo (MBMD) i totonu o lenei Tausaga:

- 11 Lipoti Faaletausaga mo Fa'alapotopotoga So'oso'o Tau'au ma Fa'alapotopotoga o Tau-Faamanuiaga sa tuuina atu i Minisita e umia sea faapea le Kapeneta e auiliili ai le Faatinoga o Galuega sa lipotia mai.
- 48 Lipoti Faalekuata o Faatinoga o Galuega a Fa'alapotopotoga So'oso'o Tau'au ma Fa'alapotopotoga o Tau Faamanuiaga sa tuuina atu i Minisita e umia sea.
- 5 Lipoti tau le aotelega o le faatinoga o galuega fa'a le kuata ma le faaletausaga sa tuuina atu ile Kapeneta
- 30 Lipoti a lenei Matagaluega e auala mai i talosaga mai le 12 Fa'alapotopotoga o lo o mata'ituina latou galuega i lalo o lenei vaega sa tuuina atu i le Kapeneta e faamaonia ai talosaga o galuega faakonekarate, faigamalaga o ofisa, galuega tetele ma isi galuega tetele.

O nei lipoti ua atagia mai ai le siitia o le faatinoga o galuega a nei Fa'alapotopotoga a le Malo e pei ona faailoa atu i le Kapeneta i kuata ma tausaga taitasi.

## **5. Su'esu'ega:**

Sa faatautaia ni su'esu'ega se lua i lenei tausaga faaletupe


- O le su'esu'ega muamua na faatinoina i le Pulega Faafoega Ta'aloga eseeese tau Tupe e pei ona unaia mai e le Minisita i lalo o le Tulafono o Fa'alapotopotoga a le Malo 2001 (Section 26 (1) (a) of the Public Bodies Act 2001). O le Pulega Faafoega Ta'aloga eseeese tau Tupe e lavea i lalo o Faalapotopotoga o Faamanuiaga o lea sa avea ai le matou vaega ma team e faatinoina lea su'esu'ega. O le taumafaiga o lenei su'esu'ega sa faamamafa ai le taua o le faaMalo sia o taiala ma faiga faavae o le Pulega ina ia faaitiitia ai ni tulaga lamatia i le lumana'i.
- O le su'esu'ega lona lua sa faatautaia mo le NPF i lalo o le faatonuga a le Minista ile vaega26 o le tulafono autu (Fa'alapotopotoga a le Malo (Section 26 Public Bodies Act). Sa avea foi la matou Vaega ma sui o le Matagaluega i le komiti na faatautaia lea galuega tele male fita. i lea iloiloiga na faamausali ai le mau e faapea o le tele o suiga fai e ono tula'i mai ai ni tulaga le mautinoa i le Fa'alapotopotoga aemaise le aufaigaluega.

## **6. Tausisia o Manaoga o le Tulafono**

Sa tuuina mai uma lipoti faa le kuata faapea lipoti faa le tausaga mo le tausaga nei mai Fa'alapotopotoga So'oso'o Tauau ma Fa'alapotopotoga Tau Fa'amanuiaga uma a le Malo .

E 67% Lipoti faa le tausaga ae 47% Lipoti faalekuata sa tuuina mai i le taimi faatulafonoina. O lo o fa'auau pea le galuega fa'atino a lenei Vaega i le unaia o le tausisia o aso fa'atulagaina mo le tu'uina mai o lipoti a

Fa’alapopototoga e ala i fa’amanatu i Komiti Fa’atonu ma Pulega o Fa’alapopototoga. O le fa’atinoina foi o iloilogaga mo lipoti a Fa’alapopototoga i taimi fa’atulagaina, o le mautinoa foi lea o le atoatoa lelei o fautuaga e tuuina atu i Minisita e umia sea a Fa’alapopototoga mo a latou fa’aiuga fai.



I. **FUAFUAGA MA ATINAE:**  
1. **Avanoa mo le faaleleia o le Auaunaga**

Sa fai se iloilogaga ma fausia ai se talosaga a lenei Vaega i le Tautai Facility e sailia ai se fesoasoani faaletupe aua le faaleleia o le matou auaunaga ma le siitia o le agavaa male tomai a le aufaigaluega ile fausiaina o Faiga faavae aemaise le mataituina o le faatinoina o galuega. E ui ina e le’i faamae’aina lenei talosaga, sa faapea ona faatupeina e le Tautai ni aoaoga mo nisi o le matou Vaega e toalua ma e faalia le agaga o le faafetai ona o avanoa ua mafai ai ona auai atu i ia faamoemoe mo le faaleleia atili o le faatinoga o le mataituina o Fa’alapopototoga.

2. **Fesuiaiga i le Auivi ale MBMD**

Sa tuuina atu se talosaga i le Komisi o Tagata faigaluega a le Malo mo le toe faaopopoina o nisi o le aufaigaluega i leneiVaega ona o le alualu i luga o le numera o galuega tuuina mai ma le toalaiti o le aufaigaluega. Ma le agaga fiafia, matou te faailoa atu ai le taliaina e le Komisi o Galuega le talosaga ma ua faamaonia le toe suia ai o le auivi o lenei Vaega (MBMD).

3. **Faiga Faavae**

E 3 ni Faiga Faavae sa fausia e le matou vaega ao faagasolo le tausaga faaletupe. O nei Faiga faavae e aofia ai le Investment Policy, Newly created Vacancies Policy ma le Risk Management Policy.

**Taunu’uga O Galuega Faatino A Fa’alapopototoga:**

Taga’i i le pepa faaopopo A mo le aotelega o faailo mo vaega tau tupe mo Fa’alapopototoga So’oso’o Tauau ma Fa’alapopototoga Tau-Fa’amanuiaga a le Malo mo le Tala Faatatau a Tupe 23/24:

O lo o tu'uina atu i lalo nisi o fa'aילוilo ua filifilia mo Fa'alapotopotoga So'oso'o Tauau ma Fa'alapotopotoga Tau-Fa'amanuiaga a le Malo :

| Fa'alapotopotoga | Faailoilo                                                                                                                                     | 2023                                         | 2024                                       | Faamatalaga                                                                                                                                                                                                                                                                                                                                               |
|------------------|-----------------------------------------------------------------------------------------------------------------------------------------------|----------------------------------------------|--------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| SLAC             | Aofa'i o inisiua motusia<br>Aofa'i o Inisiua Fou<br>Tupe maua mai inisiua<br>Aofa'i o talosaga to togi                                        | n/a<br>n/a<br>\$8,787,340<br>\$7,730,476     | n/a<br>n/a<br>\$8,996,085<br>7,460,309     | 2.3% le si'itia o tupe maua mai inisiua fa'atusa i le 2023 ae 3.5% le fa'aitiitia ai le aofa'i o tupe totogi atu i le au fai-inisua e faatusatusa i le tausaga ua mavae.                                                                                                                                                                                  |
| SNPF             | Tufatufaga Fa'aletausaga<br><br>Aofaiga o Tufatufaga Fa'aletausaga<br><br>Aofa'i o le aufaisaofaga<br><br>Aofa'i o falefaigaluega resitalaina | 8.3%<br><br>\$73m<br><br>34,066<br><br>1,998 | 9%<br><br>\$63m<br><br>34,280<br><br>2,151 | E 9% sa tufatufaina mo le aufaisaofaga mo le Talafaatatau Tupe 2024 ma o se siitiaga mai le 8.3% sa iai i le tausaga tuana'i.<br>E 13.7% ua fa'aitiitia ai le aofaiga o tufatufaga mo le aufaisaofaga i le 2024 e faatusa i le tausaga 2023. Sa sii'tia uma le aofa'i o le aufaisaofaga ma le aofa'i o falefaigaluega resitalaina fa'atusatusa i le 2023. |
| ACC              | Aofa'i o talosaga fa'agaioiina<br><br>Aofa'i o ma'i toefuataina<br><br>Saofaga a le Aufaisaofaga                                              | 260<br><br>39<br><br>\$12,693,085            | 244<br><br>70<br><br>\$14,163,147          | Fa'aitiitia le aofa'i o talosaga fa'agaioiina i le 6.15% ae si'itia ai le aofa'i o ma'i toefuataina i le 79.5% i le 2024. Ua si'itia le pasene o Saofaga a le Aufaisaofaga i le 11.6% e faatusatusa i le tausaga tuana'i.                                                                                                                                 |
| GCA              | Tupe maua mai laisene<br>Tupe maua mai kasino<br>Tupe totogi mo manuMalo                                                                      | \$678,567<br>\$134,702<br>\$6.9million       | 762,456<br>195,958<br>\$7.4million         | Si'itia tupe maua mai laisene ma kasino pe a fa'atusatusa i le 2023. Si'itia foi le aofa'i o tupe totogi mo manuMalo .                                                                                                                                                                                                                                    |
| LTA              | Fausiaina o Auala<br>Tausiga o sone<br><br>Konekarate Moa Vao                                                                                 | 15<br>18<br>24                               | 6<br>22<br>58                              | Fa'aitiitia numera o auala fou sa fausia mo le tausaga 2024 ae siitia uma le aofa'i o sone ma konekarate moa vao mo le ma alavai pe a                                                                                                                                                                                                                     |



|       |                                                                                      |              |              |                                                                                                                                                                                                                                                                                                                                          |
|-------|--------------------------------------------------------------------------------------|--------------|--------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|       | Tausiga o Alavai                                                                     | 8            | 18           | faatusatusa i le tausaga tuana'i.                                                                                                                                                                                                                                                                                                        |
| NKFS  | Su'esu'ega faa le soifua Malo lona Togafitiga                                        | 781          | 1,190        | Si'itia Su'esu'ega Fa'alesoifua Malo lona i le 34.4% i le 2024 pe a faatusatusa i le 2023. Maua luga le siitiaga o pesene o togafitiga Vaega 2 e 11,958% ma togafitiga vaega maua luga e 225.6% pe a faatusatusa i le 2023.                                                                                                              |
|       | Vaega 2 Togafitiga                                                                   | 41           | 531          |                                                                                                                                                                                                                                                                                                                                          |
|       | vaega maua luga                                                                      | 250          | 814          |                                                                                                                                                                                                                                                                                                                                          |
|       | Ma'i fou                                                                             | 66           | 74           |                                                                                                                                                                                                                                                                                                                                          |
|       | Ma'i ua maliliu                                                                      | 48           | 58           |                                                                                                                                                                                                                                                                                                                                          |
| NUS   | Aofai o resitala                                                                     | 7,111        | 7,098        | Siitia uma faailoilo o le tausaga 2024 sei vagana ai le Faasiliga o tupe maua e 47.1% le faaititia pe a faatusatusa i le tausaga 2023.                                                                                                                                                                                                   |
|       | Aofai o le au faau'u                                                                 | 1489         | 1581         |                                                                                                                                                                                                                                                                                                                                          |
|       | Pili Aoga                                                                            | \$12,037,604 | \$12,104,219 |                                                                                                                                                                                                                                                                                                                                          |
|       | Fesoasoani a le Malo                                                                 | \$19,526,271 | \$19,783,919 |                                                                                                                                                                                                                                                                                                                                          |
|       | Faasiliga o tupe maua mai tupe fa'aalu                                               | \$2,648,302  | \$1,400,334  |                                                                                                                                                                                                                                                                                                                                          |
| SFESA | Aofa'i o mu sa tali atu ai le FESA                                                   | 305          | 398          | I le tausaga 2024, sa tali atu le Pulega i mu e silia atu i lo le tausaga tuna'e i le 30.5%. Na siitia le fuainumera o vala'au tau fa'asese i le 26.4% ma faalavelave na auai atu ai taavale fesoasoani e 70.3% lona faaopoopoga pe a faatusatusa i le 2023. Sa faamauiina foi le faasiliga o le fesoasoani mai le Malo e tusa ma 7.07%. |
|       | Taavale Fesoasoani                                                                   | 3714         | 4,694        |                                                                                                                                                                                                                                                                                                                                          |
|       | Valaau tau faasese                                                                   | 145          | 247          |                                                                                                                                                                                                                                                                                                                                          |
|       | Fesoasoani a le Malo                                                                 | \$12,798,350 | \$13,703,377 |                                                                                                                                                                                                                                                                                                                                          |
| SQA   | Aoga faaauau ua lesitalaina                                                          | 24           | 24           | Sa tumau le fuainumera o PSET providers ua resitalaina. Ua siitia le pasene o faailoga sa resitalaina i le SQF faapea ma mataupu/polokalame ua faamaoniaina mo le 2024 pe a faatusatusa i le tausaga 2023.                                                                                                                               |
|       | Faailoga ua lesitala i luga o le faatulagaga o faailoga ma tusi pasi taualoa a Samoa | 129          | 131          |                                                                                                                                                                                                                                                                                                                                          |
|       | Mataupu/polokalame ua faamaonia                                                      | 71           | 60           |                                                                                                                                                                                                                                                                                                                                          |
| SROS  | Fesoasoani mai le Malo                                                               | \$4.5million | \$5.1million | Faauau pea le fa'atinoina o sutesuga a le                                                                                                                                                                                                                                                                                                |

|      | Poloketi Faa-suesue<br>Vaega Faa-fetauaiga                                                                                              | Faaauau pea<br><br>Mataituina pea                           | Faaauau pea<br><br>Mataituina<br>pea | Fa'alapotopotoga mo nisi<br>aoga o oloa.<br>Maitauina le siitia o le<br>feasoasoani mai le Malo i<br>le 13.3% pe a faatusatusa i<br>le tausaga ua tuana'i.                                                                           |
|------|-----------------------------------------------------------------------------------------------------------------------------------------|-------------------------------------------------------------|--------------------------------------|--------------------------------------------------------------------------------------------------------------------------------------------------------------------------------------------------------------------------------------|
| SSFA | Fale o lo o<br>faaogaina<br>Tupe mo le<br>faaleleiina o<br>Fale<br>Tupe Maua mai<br>galuega faatino<br>Tupe faaalu i<br>galuega faatino | n/a<br><br>\$324,630<br><br>\$ 2,604,223<br><br>\$2,386,375 |                                      | E le i maea le sueina o tusi<br>o le SSFA mo le Tausaga<br>2024.                                                                                                                                                                     |
| STA  | Aofai o Tagata<br>Asiasi Mai Fafo<br>Numera o<br>Tagata Asiasi<br>mai i Fafo<br>(VFR)<br>Tupe Maua mai<br>tagata asiasi mai<br>fafo     | 124,655<br><br>51,924<br><br>420.9m                         | 176,246<br><br>41,842<br><br>615.5m  | a maitauina le si'itia o le<br>aofa'i o tagata asiasi mai I<br>Samoa fa'apea ma tupe<br>maua mai i turisi e tusa ma<br>le 41.4% ma le 46.2%.<br>Sa faaitiitia fuainumera of<br>e asiasi mai fafo i uo ma<br>aiga e tusa ma le 19.4%. |

## O. LUITAU MA LE VAAIGA TAULAI

- **Lu'itau fa'a tagata faigaluega:** I le 10 masina o lenei tausaga fa'a le tupe, e leai se atoga o le aufaigaluega e tusa ma le auivi a le Matagaluega, ma avea ai ma ni luitau i le Pulega ma le aufaigaluega. O se popo lega tele lea ona o le faaumiumi o le le atoa tagata faigaluega moomia ina ia mafai ai ona ausia taunu'uga ua fuafuaina mo le faatinoga o galuega a le Matagaluega.
- **Fesuia'iga o Mana'oga ma le Mata'ituina o Fa'alapotopotoga:** O tiute tauave mo le vaavaaia o Fa'alapotopotoga a le Malo ua faatupulaia, aemaise i totonu o le MBMD. O lenei faatupulaia o galuega ua moomia ai se iloiloga loloto faatasi ai ma le atina'eina o faiga faavae ma tulafono faatonutonu fou. E lē gata i lea, ua tuuina mai foi le galuega e iloilo ai suiga i le Tulafono autu ma le ausia o sini eseese, o taimi faatulagaina, ma tofiga faapitoa. O le taulimaina o nei tiute faaopoopo e aunoa ma ni tagata faigaluega faaopoopo o se luitau lea aemaise na o le toa 3 le aufaigaluega sa galulue ile 10 masina o lenei tausaga.
- **Atina'eina o Faiga Fa'avae:** E pei ona ta'ua i le amataga, sa tapena e lenei Vaega ni faiga faavae se tolu mo le tausagafa'aletupe lenei. Ae ui i lea, o nei faiga fa'avae o lo'o tumau pea i le tulaga fa'aata ma e mana'omia ai se fesoasoani fa'apitoa e unaia le faagasologa o nei faiga faavae.
- **Lu'itau o le Fa'atumauiina:** O le faamautinoaina o le tutoatasi ma le gafataulimaina o Fa'alapotopotoga tau faamanuiaga e mataituina e lenei Vaega o lo o faaauau pea ona avea ma luitau

tau tupe mo le Malo . O le iloiloina o tulaga lamatia e fesoota'i ma Fa'alapotopotoga a le Malo e faigata ona o le eseese o natura ma eseese aafiaga. O se auala atoatoa ma tuufaatasia e taua tele ina ia faaitiitia ai lamatiaga i Fa'alapotopotoga soosoo tauau ma tau faamanuiaga a le Malo .

- **Fa'amaoni i le Galulue Faatasi:** O lo matou naunautaiga i le fa'alauteleina o le galulue fa'atasi ma Fa'alapotopotoga a le Malo o lo'o tumau pea ina ia ausia sini ma fa'amoemoega e feso'ota'i ma le usita'ia o tulafono, gafataulimaina o tulaga tau tupe, ma le tu'uina atu o auaunaga tulaga sili atu ona lelei mo tagata lautele.

## VAEGA MO FAIGA PAAGA & FAAMATU'UINA ATU O FAALAPOTOPOTOGA I LE VAEGA TUMAOTI.

### A. AOTELEGA:

O lo o fa'aauau pea ona galulue le vaega i le filifilia, su'esu'e ma iloilo poloketi tetele a le Malo o lo o agavaa mo faiga faa paaga ma le vaega tumaoti, ae faapea ai le faamatu'uina atu i le vaega tumaoti

### ILOILOGA O TAUNU'UGA O GALUEGA FY 2023-2024

- Ausia
- Fa'aauau pea le faatinoga
- E le i ausia

| Fuataga o galuega faatino                                                                                                                   | 2023-2024 Fuafua | 2023-2024 Taunuuga | Fuataga | Faamatalaga                                                                                                                                                                                                                                                                                                                              |
|---------------------------------------------------------------------------------------------------------------------------------------------|------------------|--------------------|---------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Ia silia atu ma le tasi se galuega ua faailoa mo se Faiga Faa Paaga & galuega faamatuueseina atu a le Malo .                                | 100%             | 100%               |         | Sa faatino se faatalanoaga ma le EPC e tusa ai ma latou poloketi tau Malosiaga faafouina mai le la. Peita'i, i le maea ai o nei faatalanoaga, e le i mananao le EPC e faaoga le Auivi mo Faiga faa Paaga a le Malo e faatino ai la latou poloketi, ma fuafua ai e faaoga pea faiga tauofo masani.                                        |
| Maea iloiloga o poloketi Filifilia mo se Faiga faa paaga ma le vaega tumaoti & galuega faamatuueseina atu.                                  | Iuni 2024        | Iuni 2024          |         | E le i mafai ona faataunuuna lea iloiloga ona o lo o ae le faamuamua i le iloiloga o le Fa'ava'a o Faiga Fa'a Pa'aga a le Malo ma le vaega tumaoti 2022.                                                                                                                                                                                 |
| Ia silia atu ma le tasi se polokalame faalauiloa mo le Faavaa o Faiga Faa Paaga a le Malo ma le vaega tumaoti & galuega faamatuueseina atu. | Iuni 2024        | Novema 2023        |         | Maea le laasaga I o le polokalame faa le aoaoga mo Faiga Faa Paaga sa faatautaia e le Matagaluega ae faatupeina e le Faletupe o Atinae a Asia ile masina o Novema 2023.<br>O sui auai o lenei polokalame faa le aoaoga e aofia ai sui sinia o Ofisa a le Malo mai Tonga ma Samoa, ma o le a toe faatautaia le Laasaga II ia Novema 2024. |
| Iloiloga o Faiga Fa'avae – Faiga Faa Paaga a le Malo ma le vaega tumaoti, Galuega fa'amatu'ueseina atu, Faatuina o Fa'alapotopotoga.        | Iuni 2024        | Iuni 2024          |         | O le toe iloiloaina o le Faavaa mo Faiga faa Paaga a le Malo ma le vaega tumaoti na amatalia mai i le 2022, ma o lo o faagasolo pea le galulue faatasi ai ma le Matagaluega o Tupe i auala e fesootai ai ma Fuafuaga o Poloketi ma Polokame a le Malo o lo o faafoeina e le Matagaluega o Tupe.                                          |

|                                                   |             |           |  |                                                                                                                                                                     |
|---------------------------------------------------|-------------|-----------|--|---------------------------------------------------------------------------------------------------------------------------------------------------------------------|
| Toe faatulaga le sui mai ai o le STEC avea ma SEA | Tesema 2023 | Iuni 2024 |  | Ua faamaonia e le Kapeneta i lana FK 24 (02) o Fepuari 2024 le faavaeina o le SEA. O lo o fagasolo nei galuega mo le faamaape ai o le STEC ma le faatuina o le SEA. |
|---------------------------------------------------|-------------|-----------|--|---------------------------------------------------------------------------------------------------------------------------------------------------------------------|

#### **E. GALUEGA AUSIA:**

Ua maea le laasaga I o le polokalame faa le aoaoga mo Faiga faa Paaga ale Malo ma le vaega tumaoti, na fatupeina e le Faletupe o atinae a Asia (ADB) i le aso 13-16 o Novema 2023. O se taimi muamua foi lea ua auai ai sui o le Malo mai Tonga i lenei polokalame faa le aoaoga. E 26 le aofai o sui auai ua faamaeaina le laasaga muamua ma ua fuafuaina e toe faaauau i le laasaga II ia Novema 2024.

Na taliMalu lenei vaega o le Matagaluega i se aumalaga mai le Matagaluega o Fa'alapotopotoga a Tonga i le aso 7-11 Aukuso 2023. O vaega sa taulai iai le asiasiga e aofia ai le Faavaa o Faiga faa Paaga a Samoa (PPP Framework) ma lesona na a'oa'oina mai i polokalame a le Malo na fa'amatu'ueseina atu ai ana Faalapotopotoga i tausaga ua mavae.

Na fa'atautaia e le ADB/PSDI se iloiloga o le Fa'ava'a mo Faiga faa Pa'aga a le Malo ma le vaega tumaoti, ma fautuaga e aga'i ai i luma lona fa'atinoina lelei. O se vaega o lea fautuaga e aofia ai le o gatasi lelei o fuafuaga a le Matagaluega ma le Matagaluega o Tupe aemaise i atinae tetele a le Malo .

O lo o faagasolo pea galuega toe faatulaga a le STEC ma le faatuina o le Pulega o Oloa Faatauina atu i Fafu Samoa, ma le fa'amoemoe e mae'a i le tausaga fa'a le tupe o lumana'i nei.

#### **I. FUAFUAGA MA ATINA'E:**

O lo o faagasolo pea ona faatino matafaioi a le vaega i suiga o lo o fa'aauau pea mo le Malo aemaise o taumafaiga a le Malo mo se Faiga Fa'avae e tasi mo le Fa'afoeina o Fanua, fa'atasi ai ma taumafaiga e fa'atu se Matagaluega fa'apitoa mo Ta'aloga ma fiafiaga o tagata. O nei suiga ua avea ai le vaega lenei e fitoitonu ma le toe fetuunaiga o galuega e aofia ai le fausiaina o se fuafuaga fa'atino, e mafai ona faasoa atu i isi Matagaluega tutotonu a le Malo e pei o le Komisi o Tagata Faigaluega ma le Matagaluega o Tupe fa'apea Fa'alapotopotoga o lo o a'afia i nei suiga .

O lo o fa'aauau ona saili e le vaega isi Faiga Fa'avae e mafai ona fesoasoani i galuega fa'aauau a le Matagaluega e pei o le faaogaina o le auunaga faa konesale mai le ADB ma le PSDI e fesoasoani i le atina'eina o se Faiga Faavae Lautele. O lo o faatalanoina ma soalaupule lenei Faiga Fa'avae Lautele ina ia mautinoa o ta'iala uma e pei o le Fa'ava'a mo Faiga Fa'a Pa'aga a le Malo ma le vaega tuma'oti; Galuega fa'amatu'u'eseina atu, ma le fa'atuina o Fa'alapotopotoga, o lo o feso'ota'i ma fa'amautinoa o lo o iai Faiga Fa'avae Fa'atonutonu mo nei polokalame a le Malo .

O lo o galulue soosoo tauau le vaega lenei ma sui o le Matagaluega o Fa'alapotopotoga i Tonga, i le fefaasoaaina o tomai ma agavaa i Faiga Faavae mo Faiga Faapaaga a le Malo ma le vaega tumaoti, galuega faamatu'ueseina atu, ma le faamoemoe ina ia fausia ai o latou agavaa i polokalame a le latou foi Malo.

O le Iloiloga o le Fa'ava'a mo Faiga Fa'a Pa'aga a le Malo ma le vaega tumaoti o lo o fa'agasolo nei, ose taumafaiga ian ia faamautu ai e le'o faia fua galuega a le vaega, o le vala e pei ona iai faiga faave e lua mo le fuafuaina ma le faatinoina o poloketi tetele a le Malo o lo o i lalo o le MPE ma le MOF.

## **O. LU'ITAU MA VAAIGA TAULA'I:**

O lo o tumau pea lu'itau i le lagolago mai a le Matagaluega o Tupe mo le toe iloiloaina o le Faavaa mo Faiga Faa Paaga ale Malo ma le vaega tumaoti. O lenei Faavaa e pei ona maitau atu i lesona o lona faatinoga, e le o se Faavae e mafai ona fa'atinoina tutoatasi e le MPE seia vagana ua maea ona soalaupule mataupu autu e pei o le: Ofisa e faaulu i ai talosaga o poloketi ma lona iloiloaina; ma le faatupeina ma le auala e fa'atauina ai.

*Avanoa mo le faalauteleina o le malamalama* – A'o fa'atupula'ia ai suiga i galuega a le Vaega, e fa'apea foi ma suiga e moomia ona iai agavaa talafeagai. E le o lava le tomai ma le agavaa i le taimi nei e fa'atino lelei ai nisi o galuega e pei o le fetu'una'iga, fa'apea le fa'atuina o se Fa'alapotopotoga a le Malo. E mana'omia fo'i le fa'aauauina o a'oa'oga fa'atino ile iloiloa o Faiga Fa'a Pa'aga a le Malo ma le vaega tuma'oti. O le taimi nei, o lo o fa'atino lava a'oa'oga i luga o le galuega, ae peita'i, e le'i faia ni a'oa'oga fa'apitoa ona o lo o vala o galuega ile va o le MPE ma le MOF.

O le manulauti a lenei vaega mo le agai i luma, ina ia mautinoa o talafeagai ma fetauti Fuafuaga autasi fou ma Faailoilo mo Faatinoga, ma ia mautinoa olo o sosolo lelei galuega faatino e tusa ai ma Fuafuaga, Tala o le Tupe Faa-le-Tausaga ma le Taiala mo le Atinae o Samoa.

## VAEGA AUAUNAGA LAUTELE MA TAGATA FAIGALUEGA

O le Vaega mo Auaunaga Lautele (HR) a le Matagaluega mo Fa'alapotopotoga Tumaoti a le Malo , o lona sao taua o lo o fitoitonu ma le faafaileleina o taleni, faaleleia atili o tomiai, ma le tali atu i manaoga o tagata faigaluega e fesoasoani ai i le faataunuina o manulauti ma sini autu a le Matagaluega. O le atina'eina o tomiai ma agavaa a le aufaigaluega e o gatasi ma aga tausili e pei ona faatulafonoina ina ia usitaia e tagata faigaluega uma a le Malo e pei o le Fa'amaoni, Lē Fa'aituau, Fa'aaloalo, Manino faatinoga o galuega, Malamalama ma ia mautinoa le lelei atoatoa o le auaunaga e faamamafa ai le agaga tautua o le Talofa ma le Laufofoga Fiafia. O lenei tautinoga e o gatasi ma faamamafa e tolu a le Ofisa o le Komisi o Galuega e pei o le, Atinaeina o Tomiai-Fa'ataitai, Galuega Fa'atino & Amioga Taupulea ma Pulega Lelei e ala i le fa'aleleia o se siosiomaga e unaia ai ta'ita'iga amiotonu/sao, fa'aleleia le fa'atinoga o galuega a le aufaigaluega ma fa'amautinoa faiga e mafai ona tali atu i totonu o la tatou Matagaluega.

Ua fa'ataunu'uina ma le manuia polokalame fa'aa'oa'oga fa'apitoa e fa'aleleia atili ai le tomiai ma agava'a o tagata faigaluega, ma fa'aleleia atili ai le tu'uina atu o auaunaga ma le fa'atinoina o galuega. E toa fitu (7) sui sa auai i polokalame a'oa'oga i fafo e tusa lea ma le 20% o le aufaigaluega, o nei aoaga e faatatau i auala mo le faalauiloa o Tupe ma Suesuega ma faamatalaga Tau Tupe, o se fa'amaoniga lea o la matou tautinoga mausali i le taumafaiga ina ia siitia le tomiai ma agavaa a le aufaigaluega ma ia aofia i totonu o faavae a le Ofisa se aganuu mo tagata faigaluega ina ia faatau le auai i a'oa'oga ao avea ma tagata faigaluega.

E le gata i polokalame mo a'oa'oga, ina ia o gatasi ma la tatou mau mo le fa'aleleia atili o i latou ua fa'amanuiaina mai a'oa'oga sa faatinoina i fafo, ua tuuina iai avanoa taua e fa'asoa mai ai le tomiai ma agavaa ua maua mo le silafia ma ia maua ai foi a'oa'oga mo le Matagaluega. O lenei faiga, e fa'amautinoa ai o lo o fa'aogaina avanoa sa maua ma ia faasafua le tomiai ua maua ina ia manuia fa'atasi ai tagata uma, fa'afaileleina se si'osi'omaga o le fefa'asoa'i ma ia si'itia ai pea le agaga tautua.

O a matou fuafuaga alualu mamao ua agai tonu lava i le faamautinoaina o le soifua Malo lona ma le saogalemu o tagata o le matou aufaigaluega e ala i aoaga faapitoa mo fesoasoani muamua ma polokalame mo suesuga o le soifua Malo lona fatasi ma a matou paaga ma Faalapotopotoga a le Malo e pei o le Pulega o Tinei Mu ma le Faalapotopotoga Faavae Tau Fatugao i Samoa. O nei polokalame taua, e faamamafa ai lo matou naunautiga i le faatupuina o se siosiomaga e lagolago ma faatauina pea a matou tagata faigaluega.

E ui lava i le alualu i luma i tulaga o le faafaileleina o lo o feagai pea le Vaega mo Auaunaga lautele ma luitau i le faailoaina ma faafitauli o le utiuti o le aufaigaluega, aemaise lava i matafaioi taua e pei o le avanoa mo le Ofisa Loia ma le aufaigaluega mo Faiga Faavae ma Fuafuaga. O faafitauli nei e tulai mai ai luitau i le faatulagaina lelei o faiga faavae ma le usita'ia o tulaga ua faatulafonoina e manaomia ai le silasila totoa ma ia vave ona foia faafitauli nei ina ia mautinoa ai le gafatia taulimaina o le faatinoga o galuega ma faamautinoa le mautu o pulega i totonu o le Matagaluega.

*Faailoga ua faamaonia ai le saili Malo o le aufaigaluega.*

O le natura saili Malo o le aufaigaluega a le Malo o lo o fa'aalia i le siitia o tagata faigaluega o lo o saili avanoa mo le alualu i luma o le auaunaga. Ua faamauina, e toa fitu (7) sui o le Matagaluega ua siitia tofiga ma faamanuiaina e tautua i nisi o Ofisa i totonu o le Malo . E le gata i lea, o le faamanuiaina o se tasi o sui sa faigaluega faa konekarate i le tofiga o le Konesula a le tatou Malo i Sini Ausetalia; o se faailoga lea o le maua o le agavaa ma le tomiai o lo o iai le aufaigaluega i totonu o la tatou Matagaluega aemaise se amanaia e le Malo o le aufaigaluega a lenei Matagaluega i ana tofiga faa va o Malo i atunuu i fafo.


O lo o tumau pea le naunautaiga o le Vaega mo Auaunaga Lautele i le unaia pea o tagata faigaluega ma atinae pea tomai ma agavaa a tagata faigaluega ina ia mafai ona tali i manaoga faatupulaia a le Matagaluega. A o agai pea la tatou sã i luma, o lo tatou tutu faatasi i le tulaga lelei ma ia atinaeina pea tagata faigaluega e una'ia ai le manuia faaaauau o galuega i taimi o i luma. O le a taulai pea le vaai i le faatalanoaina o faafitauli pei o le lē lava o le afaigaluega ma le faatumauina o le lelei atoatoa o galuega faatino ina ia mautinoa le manuia o le Matagaluega.




## A. AOTELEGA O LE AUFALGALUEGA:

I le aso 30 Iuni 2024, e 39 avanoa ua faavaeina i totonu o le Matagaluega i lona vaevaeina lea;

- 6 avanoa faa konekarate,
- 12 Ofisa Sinia Maualluluga,
- 11 Ofisa Sinia,
- 9 Ofisa ma le
- 1 avanoa le tumau.





O se vaevaega nei o avanoa Faigaluega: 3% (5) e le i faatumuina; ma le 5% (2) o avanoa fou; ma le 82% (32) o avanoa o lo o ua iai tagata faigaluega.



## E. AOFALGA O LE AUFALGALUEGA


A fa'atusatusa i le aotelega ua taua ia luga, e maualluluga ai lava le aofalga o le itupa o tama'ita'i (53%) nai lo le itupa o ali'i (47%) o lo o faa faigaluegaina i le Matagaluega.

O lo o maitauina fo'i o tamaitai o lo o tele ona faa faigaluegaina i avanoa faa konekarate (4 tamaitai, 1 alii), Ofisa Sinia ma Ofisa sei vagana avanoa Ofisa Sinia Maualluluga o lo o tele ona fa'a faigaluegaina ai alii.




## F. FA'AILOGA TAU'OLOA A LE AUFAGALUEGA

O lo o maitauina pea o le to'atele lava o le aufaigaluega a le Matagaluega o lo o umia fa'aailoga tikeri, tipiloma, ma tusipasi maualuluga. O lo o fa'amauina mai ai i nei faamaumauga le maualuga o aoaoga aemaise o agava a a le aufaigaluega a le Matagaluega e pei ona iai i nisi o lipoti ua tuanai. E ao pea ona silasila foi le Matagaluega i nisi o le aufaigaluega ua leva ona umia fa'aailoga o lo o iai nei ina ia unaia le toe siitiaina oa latou fa'aailoga o aoaoga.



## FA'ATULAGAGA O TAUSAGA

O le toatele o le aufaigaluega (72%) e afua mai le matutua o le soifua i le 21-30 tausaga a o isi e i luga atu o lea faatulagana. O se faailo o se aufaigaluega Malo losi ma soifua Malo lona, ma o lo o i totonu o le vasaga o le faatulagana o tausaga o tagata galulue o le atunuu (productive workforce)



# FAAMATALAGA O TUPE MAUA MA TUPE FA'AALU

**SCHEDULE 2.19**

## STATEMENT OF MINISTRY RECEIPTS BY REPORTING CATEGORY AND EXPENDITURE BY OUTPUT APPROPRIATION ACCOUNT

*for the financial year ended 30 June 2024*

|                                                           | Notes | 2024             | Original Estimate | Final Estimate   | (Over)/Under     | 2023              |
|-----------------------------------------------------------|-------|------------------|-------------------|------------------|------------------|-------------------|
| PUBLIC ENTERPRISES                                        |       | \$               | \$                | \$               | \$               | \$                |
| <b>RECEIPTS</b>                                           |       |                  |                   |                  |                  |                   |
| <b>Ordinary Receipts</b>                                  |       |                  |                   |                  |                  |                   |
| Income From Investments                                   |       |                  |                   |                  |                  |                   |
| Dividends (from Commercial Entities)                      |       | 9,695,461        | 9,526,558         | 9,526,558        | (168,903)        | 11,645,195        |
| <b>TOTAL RECEIPTS</b>                                     |       | <b>9,695,461</b> | <b>9,526,558</b>  | <b>9,526,558</b> | <b>(168,903)</b> | <b>11,645,195</b> |
| <b>PAYMENTS</b>                                           |       |                  |                   |                  |                  |                   |
| <b>Outputs</b>                                            |       |                  |                   |                  |                  |                   |
| 1.0 Policy Advice to Minister                             |       | 317,370          | 325,095           | 325,095          | 7,725            | 347,215           |
| 2.0 Ministerial Support                                   |       | 606,395          | 575,008           | 687,129          | 80,734           | 410,569           |
| 3.0 Commercial Entities Services                          |       | 523,686          | 532,692           | 532,693          | 9,006            | 506,748           |
| 4.0 Public Bodies Governance Services                     |       | 492,924          | 507,790           | 507,791          | 14,866           | 474,953           |
| 5.0 Mutual and Beneficial Bodies Services                 |       | 359,543          | 369,415           | 369,415          | 9,873            | 328,046           |
| 6.0 Public Private Partnership and Privatisation Services |       | 413,291          | 429,300           | 429,300          | 16,009           | 396,638           |
| <b>Total Outputs</b>                                      |       | <b>2,713,209</b> | <b>2,739,302</b>  | <b>2,851,423</b> | <b>138,214</b>   | <b>2,464,169</b>  |
| <b>Transactions on Behalf of State</b>                    |       |                  |                   |                  |                  |                   |
| Government Policies / Initiatives                         |       |                  |                   |                  |                  |                   |
| Assistance to Samoa Airways                               |       | 4,000,000        | 4,000,000         | 4,000,000        | (0)              | 6,000,000         |
| STEC Restructuring                                        |       | 79,989           | 500,000           | 500,000          | 420,011          | 0                 |
| Samoa Airways Committee FK (21)48                         |       | 0                | 0                 | 0                | 0                | 40,000            |
| Independence Selection Committee                          |       | 65,914           | 73,500            | 73,500           | 7,586            | 73,254            |
|                                                           |       | <b>4,145,903</b> | <b>4,573,500</b>  | <b>4,573,500</b> | <b>427,597</b>   | <b>6,113,254</b>  |
| Rents & Leases                                            |       |                  |                   |                  |                  |                   |
| Rents & Leases - FMFM II Building                         |       | 40,900           | 40,900            | 40,900           | (0)              | 37,450            |
| Rents & Leases - SNPF Plaza                               |       | 356,332          | 356,543           | 356,543          | 211              | 354,980           |
|                                                           |       | <b>397,232</b>   | <b>397,443</b>    | <b>397,443</b>   | <b>211</b>       | <b>392,430</b>    |
| VAGST Output Tax                                          |       | 119,202          | 130,034           | 133,034          | 13,832           | 88,012            |
| <b>Total Transactions on Behalf of State</b>              |       | <b>4,662,337</b> | <b>5,100,977</b>  | <b>5,103,977</b> | <b>441,641</b>   | <b>6,593,696</b>  |
| <b>TOTAL PAYMENTS - PUBLIC ENTERPRISES</b>                |       | <b>7,375,545</b> | <b>7,840,279</b>  | <b>7,955,400</b> | <b>579,855</b>   | <b>9,057,864</b>  |
| <b>RECEIPTS OVER PAYMENTS</b>                             |       | <b>2,319,915</b> | <b>1,686,279</b>  | <b>1,571,158</b> | <b>(748,757)</b> | <b>2,587,330</b>  |

## AOTELEGA O FAAMATALAGA O TUPE A FAALAPOTOPOTOGA

| FA'ALAPOTOPOTOGA TAU FEFA'ATAUAIGA |                    |                    |                    |                    |                    |                   |        |        |                    |                    |                    |                    |
|------------------------------------|--------------------|--------------------|--------------------|--------------------|--------------------|-------------------|--------|--------|--------------------|--------------------|--------------------|--------------------|
|                                    | Revenue            |                    | Expenses           |                    | NPAT               |                   | ROE    |        | Cash Flow Balance  |                    | Equity             |                    |
|                                    | 2023               | 2024               | 2023               | 2024               | 2023               | 2024              | 2023   | 2024   | 2023               | 2024               | 2023               | 2024               |
| DBS                                | 5,196,608          | 5,077,584          | 8,079,804          | 7,634,947          | -2,883,196         | -2,557,363        | -4%    | -3.5%  | 5,118,626          | 4,136,505          | 72,526,632         | 72,969,269         |
| EPC                                | 122,771,146        | 173,921,714        | 177,598,526        | 177,444,539        | -54,827,380        | -3,522,825        | -22%   | -1.43% | 5,734,945          | 2,649,131          | 251,473,050        | 246,154,104        |
| PAL                                | 23,451,164         | 34,904,105         | 17,103,812         | 20,736,811         | 6,347,352          | 14,167,294        | 93.6%  | 75%    | 4,860,801          | 6,361,048          | 6,481,718          | 18,829,971         |
| PTO                                | 1,429,581          | 1,510,920          | 1,011,302          | 1,301,133          | 418,279            | 209,787           | 7%     | 3%     | 11,147,866         | 11,302,152         | 5,903,953          | 6,113,741          |
| SAA                                | 34,418,182         | 40,207,275         | 27,777,427         | 33,199,110         | 6,640,455          | 7,008,165         | 23%    | 21%    | 11,066,462         | 8,775,601          | 28,839,516         | 33,394,823         |
| SHC                                | 9,496,587          | 9,946,120          | 8,164,741          | 6,527,651          | 1,331,846          | 3,418,469         | 3.4%   | 7%     | -1,455,692         | 4,708,624          | 39,456,682         | 52,034,307         |
| SIFA                               | 26,933,830         | 28,973,918         | 13,020,932         | 12,514,019         | 14,386,255         | 14,459,899        | 17%    | 18%    | 45,215,020         | 36,634,314         | 81,063,000         | 75,522,899         |
| SLC                                | 7,551,294          |                    | 6,910,710          |                    | 640,584            |                   | 1%     |        | 2,092,570          |                    | 68,313,127         |                    |
| SPA                                | 25,259,850         | 28,228,354         | 13,855,712         | 18,269,472         | 11,404,138         | 10,018,882        | 6.2%   | 5.3%   | 3,963,838          | 1,678,421          | 183,335,630        | 189,852,903        |
| SPL                                | 2,114,505          | 1,466,375          | 1,834,816          | 1,480,499          | 252,648            | 43,247            | 5%     | 0.84%  | 563,003            | 672,661            | 4,971,844          | 5,122,542          |
| SSC                                | 32,581,762         | 36,975,276         | 31,196,716         | 31,932,065         | 1,078,631          | 3,787,003         | 3.86%  | 12.3%  | 7,075,196          | 9,474,162          | 27,961,443         | 30,824,864         |
| SSS                                | 1,940,633          | 1,545,320          | 1,264,472          | 1,332,576          | 676,161            | 212,744           | 64%    | 19.75% | 1,036,657          | 1,065,995          | 1,048,767          | 1,076,971          |
| STEC                               | 541,607            |                    | 2,055,452          |                    | -1,513,845         |                   | -4%    |        | -4,288,005         |                    | 42,192,270         |                    |
| SWA                                | 27,207,124         | 31,971,926         | 33,884,835         | 35,956,602         | -6,677,711         | -3,984,676        | -11.4% | -7.3%  | 18,452,533         | 17,050,891         | 58,645,742         | 54,661,066         |
| UTOS                               | 2,713,459          | 3,108,786          | 2,073,054          | 2,299,238          | 640,405            | 809,547           | 14.9%  | 18.9%  | 2,580,413          | 5,799,319          | 3,759,614          | 4,285,820          |
| <b>TOTAL</b>                       | <b>323,607,332</b> | <b>397,837,673</b> | <b>345,832,311</b> | <b>350,628,662</b> | <b>-22,085,378</b> | <b>44,070,173</b> |        |        | <b>113,164,233</b> | <b>110,308,824</b> | <b>875,972,988</b> | <b>790,843,280</b> |

|  |                    |
|--|--------------------|
|  | Outstanding Report |
|  | Unaudited          |

| FA'ALAPOTOPOTOGA TAU FA'AMANUIAGA MA SO'OS'O TAU' AU |                    |                    |                                 |                    |                   |                    |               |       |                    |                    |                   |                   |
|------------------------------------------------------|--------------------|--------------------|---------------------------------|--------------------|-------------------|--------------------|---------------|-------|--------------------|--------------------|-------------------|-------------------|
|                                                      | Revenue            |                    | Expense                         |                    | Net Profit        |                    | Current Ratio |       | Cash Flow          |                    | Government Grant  |                   |
| Mutual Bodies                                        | 2023               | 2024               | 2023                            | 2024               | 2023              | 2024               | 2023          | 2024  | 2023               | 2024               | 2023              | 2024              |
| SLAC                                                 | 13,047,267         | 13,479,521         | 11,757,595                      | 12,001,391         | 1,104,505         | 1,277,367          | 7.3           | 7.0   | 3,159,075          | 7,588,415          | -                 | -                 |
| SNPF                                                 | 81,386,000         | 84,110,000         | 11,124,000                      | 25,474,000         | 74,391,000        | 90,552,000         | 167.0         | 61.0  | 62,026,000         | 108,581,000        | -                 | -                 |
|                                                      | <b>94,433,267</b>  | <b>97,589,521</b>  | <b>22,881,595</b>               | <b>37,475,391</b>  | <b>75,495,505</b> | <b>91,829,367</b>  |               |       | <b>65,185,075</b>  | <b>116,169,415</b> | -                 | -                 |
| <b>Public Beneficial Bodies</b>                      |                    |                    |                                 |                    |                   |                    |               |       |                    |                    |                   |                   |
| NKFS                                                 | 9,927,297          | 11,653,360         | 9,782,799                       | 10,570,514         | 144,498           | 1,082,846          | 19.7          | 14.9  | 1,118,117          | 1,289,944          | 9,329,934         | 10,425,819        |
| NUS                                                  | 34,796,217         | 35,410,051         | 32,287,992                      | 34,580,404         | 2,508,225         | 829,647            | 3.1           | 2.9   | 8,097,594          | 6,969,912          | 19,526,271        | 19,783,919        |
| SFESA                                                | 14,197,930         | 14,835,771         | 11,309,617                      | 12,662,295         | 2,888,313         | 2,173,476          | 14.3          | 19.8  | 3,937,443          | 4,468,374          | 12,798,350        | 13,703,377        |
| SQA                                                  | 6,164,912          | 7,572,529          | 6,039,386                       | 7,466,947          | 125,526           | 105,582            | 4.6           | 4.6   | 4,036,273          | 3,471,885          | 3,387,400         | 3,527,728         |
| SROS                                                 | 5,728,452          | 6,917,975          | 6,846,494                       | 6,722,697          | (1,118,042)       | 195,278            | 0.6           | 0.8   | 331,865            | 833,541            | 4,506,386         | 5,105,359         |
| SSFA                                                 | 5,717,926          | 89,330,932         | 5,820,905                       | 6,744,655          | (102,979)         | 82,586,277         | 0.1           | 4.4   | 288,828            | 509,139            | 2,145,965         | 3,462,717         |
| STA                                                  | 7,995,416          | 7,798,812          | 15,273,585                      | 12,247,487         | (7,278,169)       | (4,448,675)        | 2.9           | 0.8   | 5,370,368          | 1,035,204          | 7,062,428         | 7,074,454         |
| LTA                                                  | 52,474,984         | 45,768,677         | 47,384,718                      | 45,848,481         | 5,090,266         | (79,804)           | 1.2           | 1.3   | 31,668,170         | 28,904,512         | 35,541,704        | 6,900,456         |
| ACC                                                  | 22,354,469         | 25,366,932         | 5,424,271                       | 6,567,307          | 16,930,198        | 18,799,625         | 66.4          | 116.7 | 101,480,089        | 90,148,932         | -                 | -                 |
| GCA                                                  | 9,987,254          | 10,611,455         | 9,512,103                       | 10,943,658         | 475,151           | (332,203)          | 3.9           | 3.3   | 686,834            | 797,538            | -                 | -                 |
|                                                      | <b>169,344,857</b> | <b>255,266,494</b> | <b>149,681,870</b>              | <b>154,354,445</b> | <b>19,662,987</b> | <b>100,912,049</b> |               |       | <b>157,015,581</b> | <b>138,428,981</b> | <b>94,298,438</b> | <b>69,983,829</b> |
|                                                      |                    |                    |                                 |                    |                   |                    |               |       |                    |                    |                   |                   |
|                                                      |                    |                    | - Unaudited April-June 2024 YTD |                    |                   |                    |               |       |                    |                    |                   |                   |
|                                                      |                    |                    |                                 |                    |                   |                    |               |       |                    |                    |                   |                   |

# FAAMATALAGA FAAOPOPO: FAAMAONIGA A LE MATAGALUEGA O TUPE I FAAMATALAGA O TUPE MAUA MA TUPE FAAALU

## MATAGALUEGA O TUPE



## FA'AMATALAGA MA FA'AMAONIGA

*O Fa'amatalaga o Tupe Maua ma Tupe Alu, Fa'amatalaga 2, ma fa'amatalaga o lo'o au'ili'iliina ai mea ta'itasi ma vaegatupe mai isi fa'amatalaga o le Fa'amatalaga o Tupe a le Malo i luga o Meatotino Tumau (Fa'amatalaga 9) mo le tausaga fa'aletupe na fa'ai'uina i le aso 30 Iuni 2024 o lo'o faia a'e ai le vaega o le Fa'amatalaga o Tupe mo le Matagaluega o Fa'alapotopotoga a le Malo. O loo tu'ufa'atasia e pei ona fa'ata'oto mai i le Tulafono o Pulega o Tupe 2001 ma Teuteuga, Vaega XIV, Lipoti Tau Tupe ma Ta'iala Fa'atausi-tusi Fa'a-va-o-Malo (IPSAS).*

*E tusa ai ma le Tulafono o Pulega o Tupe 2001 ma Teuteuga, Vaega 110, ua fa'amaonia e le Matagaluega o Tupe o Fa'amatalaga o lo'o fa'apipi'i atu mo le Matagaluega o Fa'alapotopotoga a le Malo Fefa'ataua'iga o lo'o fa'avae mai i taunu'uga e le'i su'esu'eina tusi mo le tausaga fa'a-le-tupe na fa'ai'uina i le aso 30 Iuni 2024, e pei ona atagia i fa'amaumauga fa'atausitusi a le Matagaluega o Tupe mo le Fa'aputugatupe a le Matagaluega o Tupe.*

*Mo le Malo o Samoa.*

  
Saoleleiti Maeva Betham Vaai  
Ofisa Sili o Pulega

Aso: 06 / 11 / 2024

## FAASINOUPU

| ENGLISH                                                     | SAMOAN                                                                   |
|-------------------------------------------------------------|--------------------------------------------------------------------------|
| Annual Reports                                              | Lipoti Faaletausaga                                                      |
| Public Bodies                                               | Faalapotopotoga a le Malo                                                |
| Chief Executive Officer (CEO)                               | Ofisa Sili o Pulega                                                      |
| Commercial Enterprises Monitoring Division (CEMD)           | Vaega e Mataituina o Faalapotopotoga Tau Fefaatauaiga                    |
| Dividend                                                    | Tufatufaga o Tupe Faasili                                                |
| Public Bodies Governance Division (PBGD)                    | Vaega Pulega Lelei o Faalapotopotoga                                     |
| Corporate Plan (CP)                                         | Fuafauga Autasi                                                          |
| Corporate Services Division (CSD)                           | Vaega o Auaunaga Lautele                                                 |
| Community Service Obligation (CSO)                          | Faiga Faapisinisi                                                        |
| Dividend                                                    | Tufatufaga mai Tupe Faasili                                              |
| Financial Year (FY)                                         | Tausaga Faaletupe                                                        |
| Human Resource (HR)                                         | Aotelega o le Aufaigaluega                                               |
| Information Communication & Technology (ICT)                | Fesootaiga ma Faamatalaga Faatekonolosi                                  |
| Independent Selection Committee (ISC)                       | Komiti e Tofia Komiti Faatonu mo Faalapotopotoga a le Malo               |
| Key Performance indicator (KPI)                             | Faailoilo mo Faatinoga                                                   |
| Mutual Beneficial Monitoring Division (MBMD)                | Vaega e Mataituina Faalapotopotoga Soosoo Tauau ma Faamanuiaga a le Malo |
| Managing Director (MD)                                      | Pule Sili o le Faalapotopotoga                                           |
| Ministry for Public Enterprises (MPE)                       | Matagaluega o Faalapotopotoga a le Malo                                  |
| Micro, Small and Medium Enterprises (MSME)                  | Faalapotopotoga Laiti                                                    |
| Net Profit After Tax (NPAT)                                 | Tupe Faasili                                                             |
| Non Performing Loans (NPL)                                  | Nonogatupe e le'o Faatinoina                                             |
| Public Bodies Act 2001 (PBA 2001)                           | Tulafono o Faalapotopotoga a le Malo 2001                                |
| Public Bodies Governance Division (PBGD)                    | Vaega o Pulega Lelei o Faalapotopotoga                                   |
| Public Private Partnership (PPP)                            | Faiga Pa'aga ma le Faamatu'u Atu                                         |
| Public Private Partnership & Privatization Division (PPPPD) | Vaega o Faiga Pa'aga ma le Faamatu'u Atu o Faalapotopotoga               |
| Public Trading Bodies (PTB)                                 | Faalapotopotoga a le Malo                                                |
| Quarterly Report (QR)                                       | Lipoti Faa-le-kuata                                                      |
| Return on Equity (ROE)                                      | Pasene o Tupe Faasili                                                    |
| Strategy for the Development of Samoa (SDS)                 | Lipoti Faa-le-kuata                                                      |
| Warrant of Appointment (WOA)                                | Pepa o Tofiga                                                            |